

新纂雲南通志

盧

漢題



THE UNIVERSITY OF CHICAGO
CHICAGO, ILLINOIS



新纂雲南通志卷四十目錄

地理考二十

城池一

周

漢

蜀漢

晉

隋

唐

宋

元

明

新纂雲南通志卷四十

地理考二十

城池一

雲南各地城池遠溯於莊蹻之世蓋設治之初其建置必以城池爲首近世雖戰術日精金城湯池似爲無用然如遇盜賊嘯聚四出劫掠僻居村落者猶將恃城池以自固是城池仍不容全廢茲本舊志詳考歷代舊城及清代省府州縣各城民國後所修築者亦漸有增入俾資稽考云

周

苴蘭城一名穀昌在昆明縣北十餘里楚莊蹻築明一統志穀昌廢縣一

名苴蘭城在昆明縣北七里莊蹻王滇時築漢置縣後廢址尙存

雍正志

漢

建伶故城

在雲南府西北漢縣屬益州郡

清一統志

在昆明縣西北八十

里雍正志

秦臧故城

在富民縣漢置屬益州郡

清一統志

在昆明縣西五里

雍正志

滇池故城

在晉甯州東漢置屬益州郡

明一統志

在晉甯州東十五里

雍正志

賁古故城

在建水州東三十里漢置縣屬益州郡

雍正志

曲江故城

在建水州北八十里臨曲江有二城一築於漢一築於

蒙氏址存雍正志

祿匡城

新興州西南有祿匡城相傳漢時築

明一統志

在新興州西南十

五里俗名西古城漢時築元梁王重繕駐兵

雍正志

昌人城 新興州南有昌人城相傳漢時築在新興州南十里俗名

高倉古城 一名南古城漢時築元梁王重修駐兵徵江府志

玉乞城 在舊研和縣相傳漢時築明一統志在新興州南三十三里故研

和縣東玉乞山麓徵江府志

河頭城 在路南州北八十里舊邑市縣漢築明通志

新豐廢城 石城南面有新豐川漢南甯州新豐縣故地也廢牆墮

猶在樊棹豐書

蜀漢

趙州諸葛城 在趙州東南彌渡市北武侯築雍正志

賓川諸葛城 在賓川州西二里虎踞山相傳為武侯駐兵處雍正志

甯州古城 有二一在甯州南里許一在路居相傳武侯所築臨安府志

大姚武侯城 在大姚縣西馬鞍山麓爲武侯南征駐師之所今鐵

椿尙存 雍正志

新興諸葛城 在新興州南安峭山頂有石城

激江府志

南甯諸葛城 石城川味縣故地也貞觀中爲郎州開元初改爲南

甯州州城即諸葛亮戰處故城也城中有諸葛亮所撰文立二碑

背上篆文曰此碑如倒蠻爲漢奴近年蠻夷以木椿拄

樊綽蠻書

在曲靖

府西十五里平川中舊名共範川今其地名三岔故城遺址尙存

清一統志

保山諸葛城 永昌城西邊大洞川亦有諸葛武侯城城中有神廟

土俗咸共敬畏禱祝不闕蠻夷騎馬遙望廟即下馬趨走又龍尾

城西第七驛即永昌也昔諸葛征永昌於此築城今江西山上有

廢城遺跡樊綽在高崙山分水嶺舊傳諸葛運鬼工一夜而成者永昌府志

武定諸葛城在和曲州東二里相傳諸葛武侯曾駐兵於此今城

址尚存雍正志合臨其北五里又南臨壽樂合城志

晉志合臨其北五里又南臨壽樂合城志

天女故城在晉甯州西五里雍正志晉太興初甯州刺史李毅之女秀

代父領州時所築明一統志

各南隋志

史城南詔至異牟尋又遷於喜郡史城元史地理志在太和縣北四十里

隋開皇中史萬歲駐師於此故名元初置喜州今其地名喜洲村

址存雍正志

晉甯古土城在晉甯州西北五里雍正志隋刺史梁毘築有九門十二

衢今廢明一統志周圍七里晉甯州志

唐

曲州靖州廢城 石門外第九程至魯望即蠻漢兩界舊曲靖之地

也曲州靖州廢城皆在樊綽蠻書靖州故城在南甯縣南十五里唐置俗

名南城址尚存雍正志

蒙舍城 貞元十年南詔攻施蠻城邑虜其王尋羅并宗族置於蒙

天舍城養給之樊綽蠻書白崖城又七十里至蒙舍城自蒙舍城八十里至

龍尾城唐書地理志蒙化即蒙舍故都唐初建甯國王張樂進求遜位於

蒙氏號蒙舍詔其地在南又稱南詔尋築蒙舍城居之楊慎滇載記在蒙

化府北十里元改置蒙化州於此清一統志在蒙化府北十五里古城村

張氏讓國蒙詔築城以居今舊址尚存雍正志

金城 阿葛城 嵩明漢人嘗立長州築金城阿葛二城蒙氏興改

為嵩明部

元史地理志

舊金城在嵩明州西南

清一統志

在嵩明州城內黃龍山

昔時漢夷雜處漢人築城居焉址存

雍正志

道光志案雲南府志以為漢時築蓋以漢夷之漢為兩漢誤

絳縣故城 在江川縣南四里唐貞觀八年置黎州領縣二絳其一

也又名碌雲異城蒙氏時白蠻居之至段氏時為摩些徒蠻所據

更名步雄部元初置千戶所至元中改江川州尋降為縣明崇禎

七年遷縣治於江川驛舊城址存

雍正志

馬舉龍城 一名黎灤城烏蠻酋步門步末始築馬舉龍城號黎灤

甸元至元中立黎灤千戶所

明一統志

黎灤城在富民縣東三里元置千

戶所於此

雍正志

求州故城 在新興州棊盤山有故址唐置求州疑即此

激江府志

鏡州故城 在雲南縣西南土城遺址尚存唐置隸戎州都督府

清一統志

在雲南縣西北十餘里

雍正志

在今高官舖唐永徽間置僅存西南二

方

雲南縣志

瓏玕圖山城 奇王蒙氏始唐高宗永徽三年乃建都蒙舍築城龍

圖山

阮元聲南詔野史

在蒙化府西北瓏玕山周圍四百餘丈昔細奴邏築此

城以居今尚有所遺石柱又府東梅子箐山頂有城基周圍十六

門其規模又倍於瓏玕焉

雍正志

又有貝忙山後城在府境有十六門

制如太和城

清一統志

勃弄故城 在雲南縣東一百里唐志匡州縣勃弄匡州故城今大

波那等村是其遺址

清一統志

在縣東南即唐置匡州勃弄縣處址猶存

雲南
縣志

姚州古城 在州北唐景雲元年御史李知古築姚州志景雲元年姚州

羣蠻先附吐蕃攝監察御史李知古發兵擊之既降又請築城資治通鑑

拓東龜城 在昆陽州北平定鄉唐開元間南詔盛羅皮遣張建成

入朝時築雍正志開元初威成王册楊道清為顯密圓通大義法師塑

大靈土主天神聖像曰摩訶迦羅築滇之城以龜其形五年龜城

完復塑二神一鎮龜城之頂一鎮城之南張道宗記古滇說

悶依土城 在易門縣西一百里祿益山相傳為讐闡邊戍之所雲南府志

大釐城 南去陽苴咩城四十里北去龍口城二十五里邑居人戶

尤衆盛羅皮多在此城并陽苴咩并澄川今竝南詔往來所居也

樊綽蠻書開元末皮羅閣逐河蠻取太和城又襲大釐城守之唐書南蠻傳唐置

澄川州治大釐蒙氏襲而奪之後改德源城至元十一年改德源

城為澄川州元史地理志德源城在鄧川州東一名大釐城清一統志在鄧川州

東北十二里昔鄧臉詔居之南詔既併鄧臉其妻慈善不屈死南

詔旌其城曰德源雍正志鄧川東十里鄧臉詔之妻名慈善者因召夫

被殺慈善築城負固之南詔神武王親率兵欲妻之慈善堅執不

從誓曰一女不更二夫乃據城以自守王領兵因攻之不克慈善

卒王嘉其節賜號德源城張道宗記古演說

太和城 北去陽苴咩城一十五里巷陌皆壘石為之高丈餘連延

數里不斷城中有大碑閣羅鳳清平官王蠻利之文論阻絕王化

之由受制西戎之意開元二十五年蒙歸義逐河蠻奪據太和城

樊綽太和城去龍尾城十里唐書地理志開元末道光志案資治通鑑作開元二十六年演載記作開元十六年皮羅閣逐

河蠻取太和城天子詔賜皮羅閣名歸義册爲雲南王於是徒治

太和城閣羅鳳北臣吐蕃侍御史李宓討之宓敗於太和城南詔傳開

元十八年南詔蒙歸義築大和城二十七年遷都太和城南詔野史南詔

尋閣勸以鄯闡爲東京以太和爲西京滇志在太和縣南十五里今

名太和村址存雍正志城周十餘里大理府志

龍口城 盛羅皮取太和城仍築龍口城爲保障龍口城閣羅鳳所

築縈抱玷蒼南麓數里城門臨洱水下河上橋長百餘步過橋分

三路直南蒙舍路向西永昌路向東白崖城路樊綽蠻書

矣苴和城 施望欠與豐咩咩羅皮同伐蒙歸義皆敗潰退保矣苴

和城樊綽蠻書

澄川城 舊澄川也南去龍口城十五里初望欠部落居之後浪穹

詔豐咩襲而奪之豐咩孫鐸羅望與南詔戰敗退保劍川南遂有

城城依山足東距瀘水北有泥沙自閣羅鳳及異牟尋皆填固增

修最為名邑東北有史郎川又東祿諾品川又北俄坤

樊綽蠻書

安甯舊城

後漢元鼎二年伏波將軍馬援立銅柱定疆界之所

道光志案

後漢無元鼎年號馬援立銅柱事在光武建安十九年此誤

去交趾城池四十八日程漢時城壁尚存碑銘竝

在

樊綽蠻書

拓東城東八十里至安甯舊城

唐書地理志

有兩爨大鬼主崇道者

與弟日進日用居安甯城左聞章仇兼瓊開步頭路築安甯城羣

蠻震懼共殺築城使者元宗詔蒙歸義討之天寶七載詔特進何

履光以兵定南詔境取安甯城及井

南蠻傳

在今安甯州治南

清一統志

和子城

唐蒙舍詔閣羅鳳合六詔為一侵俄碌取和子城今鎮南

州是也

元史地理志

在鎮南州東一里

古今圖書集成

在鎮南州東二里

雍正志

雞和城 鎮南州在威楚路北昔樸落蠻所居川名欠舍中有城曰

雞和至唐時蒙氏併六詔征東蠻取和子雞和二城置石鼓縣

元史地理

志

石鼓城 在鎮南州東三十里蒙氏取雞和城置此縣

明一統志

在鎮南州

東二十里蒙氏征東爨時置今廢

楚雄府志

龍和故城 在南甯縣西南十五里唐開元中南詔閣羅鳳遣楊牟

利以兵脅西爨徙戶二十餘萬於永昌東爨以言語不通得不徙

自曲靖州石城升麻昆川南北至龍和皆殘於兵

雍正志

石和城 渠斂趙本河東州也西巖有石和城烏蠻謂之土山坡陀

者謂此州城及太和城俱在坡陀山上故也州中列樹夾道為交

流村邑連豐溝騰彌望大族有王楊李趙四姓皆白蠻也云是沮

蒲州人遷徙至此因以名州焉東北至毛郎川又東北至賓居湯

又北至越析川摩些詔故地也樊綽書施浪詔之裔據石和城閣羅鳳

攻虜之南蠻傳在浪穹縣西北十五里雍正志施浪因勢孤弱令族人施各

皮據石和城互為羽翼諸葛元覽漢史

羅魯城 劍川縣治在劍川湖西夷云羅魯城元史地理志在劍川州南十

五里唐時築今名瓦窰村雍正志羅魯蠻云海也元宗時浪穹詔鐸羅

望與南詔兵戰不勝挈其部退保遷義督羅魯城劍川州志

石橋城 天寶七載閣羅鳳攻石橋城樊綽書

雲南城 天寶中閣羅鳳所規置也嘗為信州地城池郭邑皆如漢

制州中南北二十餘里東西四十五里帶邑及過山雖有三千餘

戶田疇多廢閭里少人諸葛亮分永昌東北置雲南郡斯即其故

地也西隔山有品臉睽亦名清字川嘗為波州大池繞山長二十

餘里波州廢地在池東南隅故渭北節度段子英此州人也故居

墳墓皆在雲南東第二程有欠舍川大都部落第三程至石鼓驛

舊化州也第四程至曲驛有大覽睽小覽睽漢舊覽州也又求贈

館至雲南城七十里樊綽渡石門至佉龍驛又六十里至雲南城唐書

地理志天寶八年南詔神武王固修城郭於鄧川城東去七里有甸

言川其川原平坦山勢迴合周有二百餘里乃雲南州又築一城

焉記古漢說在今雲南縣南八十里安南坡清一統志在雲南縣南六十里雍正

威楚城開南城管柳追和都督城威楚城樊綽威楚開南等路俗名

俄碌後爨酋威楚築城俄碌睽居之元史地志天寶八年南詔神武王

固修城郭曰威楚州城記古漢說

姚州唐古城 在姚州城東十五里唐太守張虔陀築

雍正志

白崖城 在勃弄川天寶中附於忠城陽等五州之地也依山爲城

高十丈四面皆引水環流惟開南北兩門南隅是舊城周迴二里

東北隅新城大歷七年閣羅鳳新築也周迴四里城北門外有慈

竹藜大如人脛高百尺餘城內有閣羅鳳所造大廳修廊曲廡廳

後院橙枳青翠俯臨北墉舊城內有池方三百餘步池中有樓舍

云貯甲仗川東西二十餘里南北百餘里清平官以下官給分田

悉在南詔親屬亦住此城傍

樊綽

登書

雲南城又八十里至白崖地

唐書地理志

鮮于仲通進薄白崖城大敗引還又有時傍矣川羅識二族通號

入詔時傍入居鄧州州爲閣羅鳳所猜徙置白崖城又異牟尋破

施蠻順蠻竝虜其王置白崖城

南蠻傳

天寶十二載南詔閣羅鳳築白

崖城南昭野史趙州有舊白崖城嘉靖四十二年修築更名彩雲城明史地理志

在趙州東南六十里古今圖書集成在趙州東南九十里清一統志在趙州東六十

里舊名白崖甸以西山崖石如雪因名蜀漢建興三年武侯南征

師次白崖獲雍闓斬之封白國仁果裔龍祐那為酋長賜姓張氏

築城於白崖山下蒙氏時為白崖臉唐天寶十年鮮于仲通進薄

白崖城即此明嘉靖年設大理府督捕通判駐其地築土城萬曆

末年裁城址尚存雍正志彩雲城在白崖西山下即一統志所謂文案

洞城也白國王張龍祐那築古今圖書集成彩雲城在白崖西昆彌山下以

彩雲見於此故名一名文案洞城舊志樂職今古樂五

道光志案舊志白崖城彩雲城兩載據明史地理志白崖城更名彩雲城是為一城今從明史天寶中李宓平南詔

蠻子城白崖城南二十里有蠻子城閣羅鳳庶弟誠節母子舊居

也正南去開南城十一日程

樊綽蠻書

唐城 在趙州南十五里唐天寶中李宓征南詔時築

雍正志

巔哀城 在祿豐縣南唐蠻酋阿哀所築即今古城

雍正志

養子城 大歷四年閣羅鳳築養子城麗水金寶城

南詔野史

鐵橋城 在劍川北三日程川中平路有驛貞元十年南詔蒙異牟

尋用軍破東西兩城斬斷鐵橋大籠官已下投水死者以萬計今

西城南詔置兵守禦東城至神川以來半為散地見管浪加萌於

浪傳竟長禪磨些撲子河人弄棟等十餘種

樊綽蠻書

貞元十年異牟尋

歸唐襲破吐蕃鐵橋十六城

唐書地理志

在舊巨津州北一百三十里鐵

橋南清一統志鐵橋南有鐵橋城為吐蕃十六城之一嘗置鐵橋節度於

此雍正志

甯北城 在漢牂榆縣之東境也本無城池今以浪人詔矣羅君舊

宅為理所東地有野共川北地有虺川又北有橫川又北有郎婆

川又北有桑川即至鐵橋城北九睽川又西北有羅眉川又西牟

郎共城又西至傍彌潛城西有鹽井鹽井西有斂尋城皆施蠻順

蠻部落今所居之地也又西北至聿賚城又西北至弄視川樊綽唐蠻書

貞元十五年異牟尋謀擊吐蕃以鄧川州甯北等城當寇路乃峭

山深塹修戰備為北面之固段氏時城廢漢記在鄧川州北三十里

唐時蒙氏所築清一統志

牟郎共城 傍彌潛城 斂尋城 聿賚城

道光志案已上四城按見甯北城下

雲峯長城 元和二年南詔異牟尋築大理并雪峯長城南詔野史

惠園故城 建水州治故建水城唐元和間蒙氏所築古稱步頭亦

云巴甸每秋夏溪水漲溢如海夷謂海為惠大為園故名惠園漢

語曰建水元史地理志在今建水州西清一統志

昆明城 在東瀘之西去龍口十六日程正北有諱苴川正南有松

外城又正南至龍怯河西南至小婆城又西南至大婆城西北至

三探覽城又西北至鐵橋東城其鐵橋上下乃昆明雙舍至松外

已東邊近瀘水竝磨些種落所居之地樊綽蠻書

松外城 小婆城 大婆城 三探覽城

道光志案已上四城並見昆明城下

鎮西城 南至蒼望城臨麗水東北至彌城西北至麗水渡麗水渡

面南至祈鮮山山西有龍神河柵祈鮮已西即裸形蠻也管摩零

都督城在山上自尋傳祈鮮已往悉有瘴毒地平如砥冬草木不
枯日從草際沒凡管金齒漆齒繡脚繡面雕題僧耆等十餘部落

樊綽
蠻書

蒼望城 彌城

道光志案已上二
城拉見鎮西城下

磨零都督城 南詔特於摩零山上築城置心腹理尋傳長傍摩零

金彌城等五道事云 樊綽
蠻書

龍尾城 白巖驛至龍尾城一日又渠藍趙館至龍尾城三十里從

龍尾城至陽苴咩城五十里銀生城去龍尾城十日程開南城在

龍尾城南十一日程 樊綽
蠻書 白崖城又八十里至龍尾城又龍尾城南

去蒙舍城八十里北去太和城十里 唐書地
理志

銀生城 在撲睒之南去龍尾城十日程東南有通鐙川又直南通
河普川又正南通羌浪川卻是邊海無人之境也東至送江川南
至印鵝川又南至林記川又東南至大銀孔又南有婆羅門波斯
閩婆勃泥崑崙數種外通交易之處多諸珍寶以黃金麝香爲寶
貨撲子長鬃等數十種樊綽
蠻書

開南城 在龍尾城南十一日程管柳追和都督城又威遠城奉逸
城利潤城內有鹽井一百來所茫乃道并黑齒等類十部落皆屬
焉陸路去永昌十日程水路下彌臣國三十日程南至南海去崑
崙國三日程中間又管模迦羅于泥禮强子等族類五部落樊綽
蠻書
柳追和都督城 奉逸城 利潤城

拓南城 自拓南城已西蕃蠻種立不養鷺

樊綽
蠻書

通海城 曲石館至通海城一日

樊綽
蠻書

舍利水城 大鰲城東南十餘里有舍利水城在洱河中流島上四

面臨水夏月最清涼南詔常於此城避暑

樊綽
蠻書

安南廢城 拓東城去安南城三十九日程

樊綽
蠻書

在開化府西一百四

十里本阿楚蠻所居舊名哀古又名捨資部元置千戶明初改爲

長官司正德六年省入蒙自縣天啓二年復給司印以王弄長官

司沙源兼管明末源子定洲謀叛討誅之其兵頭王朔遂有其地

雍正
志

清康熙四年朔與祿昌賢等叛誅之城址尙存

越禮城 在永昌北管長傍藤彎

樊綽
蠻書

長傍城 三面高山臨祿耳江

樊綽
蠻書

藤彎城 南至磨些樂城西南有羅君尋城又西至利城渡水郎陽

川直南過山至押西城又南至首外川又西至茫部落又西至鹽

井又西至拔熬河麗水城尋傳大川城在水東從上郎坪北里眉

羅苴鹽井又至安西城直北至小婆羅門國東有寶山城又西渡

麗水至金寶城眉羅苴西南有金生城從金寶城北牟郎城渡麗

水至金寶城從金寶城西至道吉川東北至門波城西北至廣蕩

城接吐蕃界北對雪山所管部落與鎮西城同

樊綽
蠻書

磨些樂城 羅君尋城 押西城 尋傳大川城 安西城 寶山

城 金生城 門波城

道光志案已上八
城粒見藤彎城下

麗水城

自南城曰西蕃蠻對立不盡盡

金寶城

道光志案已上二城城見上養子城及極壽城下

廣蕩城

接隔□□□候雪山樊綽

弄棟城

在故姚州川中南北百餘里東西三十餘里廢城在東巖

山上當川中有平巖周圍五六頃新築弄棟城在其上雜管蠻數

部落悉無漢人姚州百姓陷蠻者皆被移隸遠處又從陽褒至弄

棟城七十里樊綽

中城一乾符間南詔隆舜遷都郊祀山川社稷二壇於鄴闡東京城

外山川壇西南又築一城其子舜化所居名曰中城記古在省城東

宣武王築與其子舜化即古城南詔

崑峨故城在北勝州南五十里蒙氏所築古今圖在永北府南三十

里崑峩村遺址尙存雍正志

蒙氏城 在安甯州州學後故址尙存雍正志

九重城 在太和縣清一統志俗曰南詔城皆南詔備吐蕃所設一在河尾

里一在關邑里一在太和村一在北國一在蟠溪里一在塔橋一

在摩用合羊苴畔城與史城爲九大理府志

金剛城 在點蒼山佛頂峯麓亦南詔所築清一統志

扶邪城 在羅次縣境南詔有扶邪都督實錄云南詔於羅次州置

扶邪縣清一統志

耐籠城 唐蒙氏遣爨蠻酋擡萼鎮牟州築城曰耐籠元史地理志今定遠

縣治清一統志

集興籠城 在嵩明州南十五里相連有梅堂阿葛籠蒙琮籠白籠

諸城周迴數十里俱南詔時楊佑所築今皆為村落略有其基雍正志

籠納城 在嵩明州南詔時楊佑築俗呼大城康熙志

安東城 在趙州東二里蒙氏安東將軍李專珠所築雍正志

末束城 異龍湖中有三島唐時烏麼蠻始居一島築末束城宋時

阿楚蠻奪據之明一統志石屏州有異龍湖中有大小中三島其大島中

島上皆有城明中地理志在石屏州東異龍湖中瑞城島上又州南五爪

山上有城亦名末束雍正志

河東故城 在安甯州東南葱蒙臥山之東唐時置州於此土人呼

為華納城雍正志

石城故城 在南甯縣北二十里清一統志爨歸王為南甯州都督居石城

唐書南蠻傳

易門故城 在易門縣南三十里昔烏蠻酋仲磨由男所居之地大

理時高福世守其城明一統志

羅部城 在羅次縣南二十五里舊縣壩舊為羅部農落彈所居亦

曰羅部府清一統志在羅次縣北二十餘里昔蠻酋恃險處雍正志

騰充城 諸葛亮城西去騰充城二百里唐書地理志

宋

楊廣城 有三一在阿迷州東南二里通安橋一在州之市平鋪一

在州之石頭寨相傳宋皇祐初儂智高奔竄狄青使其將楊文廣

追之屯兵於此雍正志

蒙自古城 在新安所西十里有古碑題曰宋將楊文廣駐師之所

蓋狄青討儂智高時也雍正志

伽宗城 在呈貢縣西二十里宋時大理高智昇令土官伽宗築因

名雍正志即大古城今為村呈貢縣志

德江城 段氏時高昇秦執國柄封其姪子明量於威楚築外城號

德江城元史地理志在楚雄縣西北二里宋段氏時築高量成避位居此

一村化其德故名雍正志

巨橋城 昆陽州在滇池南焚獠雜蠻所居有城曰巨橋城今為州

治元史地理志在昆陽州東堡子屯宋時高氏築元設巨橋萬戶府即此

雍正志

通海舊土城 在通海縣東五十里官洞村相傳昔寨長段智興築

此以禦諸蠻廢址尙存清一統志在縣東五里通海縣志相傳寨長王智築雍正志

段氏故城 有二一在建水州南五里瀘江鄉無垢寺一在州西十

里蓮花池址存

雍正志

江東城 在安甯州東南二十里段氏所築元初廢又北有青龍城

皆蠻酋恃險處今為村

雍正志

望德城 在劍川州南三里周五百丈段氏所築今名水寨村

雍正志

西源城 在騰越州西二里平原中相傳為段氏所築

雍正志

廣二里許

城坡街道井然可見

永昌府志

易籠城 昔段氏於共甸築城名曰易籠又易籠者城名在祿勸州

北地名培場縣境有二水蠻語謂洩為水籠為城因此為名昔羅

婺部大酋居之為羣酋會集之所至元二十六年立縣

元史地理志

在祿

勸州北一百八十里

雍正志

普扎龍城 普舍縣在新興州西北昔有強宗部蠻之裔次曰普舍

據普扎龍城後普舍孫苴團內附立本部為千戶至元十三年改

千戶為普舍縣治普扎龍城隸新興州元史地理志廢普舍縣城即普扎

龍城在新興州北十七里明一統志

普具籠城昔有強宗部蠻之裔長曰部傍據普具籠城元史地理志在新

興州東北二十里俗名東古城漢時築元梁王重修駐兵徽州志

道光志案段氏時蠻築府志誤

白城普具籠普扎籠二城之西有白城漢人所築元史地理志在新興州

北二十五里梅園漢人所築雍正志

盤瓠城在州北納垢部所築馬龍州志

元

西沙故城西沙在甯州東甯部蠻世居之其裔孫西沙築城於此

因名西沙籠憲宗四年其酋普提內附就居此城爲萬戶至元十

三年立爲西沙縣

元史地理志

在甯州西二里仁善坊內

雍正志

呈貢故城

呈貢西臨滇澤之濱在路之南州之北其間相去六十

里有故城曰呈貢爲些莫強宗部蠻所居元憲宗六年立呈貢千

戶至元十二年割詔營切龍呈貢雌甸塔羅和羅忽六城及烏納

山立呈貢縣

元史地理志

目則故城

蒙自縣境有山名目則漢語訛爲蒙自有故城夷目

所築即今縣治憲宗六年內附七年立千戶至元十三年置縣

元史地理

志 一名古城在縣北一里相傳蒙自先建於此遺址猶存有溝曰

古城溝

蒙自縣志

元江城

元江古西南夷地阿夔諸部蠻自昔據之憲宗四年內附

七年復叛率諸部築城以拒命

元史地理志

易哀城 廣通縣在南安州北夷名為路睽雜蠻居之南詔閣羅鳳

曾立路睽縣至段氏封高明量於威楚其後宜州曾些莫徒裔易

哀等附之至高長壽遂處於路睽易哀去舊堡二十里山上築城

曰龍戲新柵憲宗七年長壽內附立今縣

元史地理志

在今廣通縣清一統志

撒呂城 路南州夷名路甸有城曰撒呂黑蠻蠻之裔落蒙所築子

孫世居之因名落蒙部憲宗朝內附立萬戶至元十三年改為路

南州

元史地理志

在路南州東北一里

雍正志

土官秦氏築今地建學宮

澂江府志

河西州故城 在河西縣南三里螺髻山下即舊縣治其地曰休臘

元憲宗時置尋改為縣明成化七年始遷縣治於普應山下舊址

猶存

雍正志

甯海府故城 在甯州西三十里大雄寺旁今名舊州元初置甯部

後改甯海府至元中改甯州至正間始遷於今治雍正志

烏蒙故土城 在烏蒙府東二十里明一統志在恩安縣東南二十里元初

駐兵於此遺址尚存雍正志

達子城 在劍川州東北六十里即蒙古入大理駐兵處清一統志

澄城 在州東北一里高園今名老邵園元世祖駐蹕於此趙州志

元世祖城 在劍川州南百三十里古今圖書集成劍川州望德城東北六十

里有城即元世祖入大理駐師處雍正志在劍川州東四里元世祖南

征屯兵於此即今西蕃村鶴慶府志

按劍川州南百三十里並無有元世祖城古今圖書集成誤又案雍正志所云劍川州望德城即清一統志之達子城同是一城而名互異耳舊志析而為二亦誤

押赤城 攻羅部進至押赤城城際滇池三面皆水既險且堅又烏

蘭哈達入交趾交趾主內附於是大饗軍士還軍押赤城元史烏蘭哈達傳在

羅次縣東南二十里舊為烏蠻所居雍正志

驥琮籠城 在祿豐縣東北姚林山其地炎瘴惟烏雜蠻居之遷徙

不常元至元十二年割安甯千戶之祿琮化泥及驥琮籠三處置

縣俗名祿琮後易為祿豐雍正志四圍陡峻一徑可通穴居種類就石

作釜臼至今諸物遺址尚存雲南府志

歸化城 在呈貢縣東南二十里地名大吳籠昔吳氏居之後為些

莫徒蠻所有元割大吳籠安江安湖地置縣築土城明嘉靖中易

以石康熙七年省入呈貢故址存雍正志在呈貢縣南明隆慶中建古今圖書

集去縣二十五里知縣張思曷建今裁入呈貢合為一邑呈貢縣志

安江城 即今安江村在縣南三十里明時有吳氏居之又名大吳

籠元初隸呈貢千戶所至元中置歸化縣以吳籠隸之今廢爲村

呈貢縣志

建甯縣故城 在趙州東南九十里彌渡元至元十一年置二十五

年省入州今城址尙存

雍正志

邵甸故城 在嵩明州西四十里元置城址尙存

雍正志

楊林故城 楊林縣在嵩明州東南治楊林城乃雜蠻枳氏車氏斗

氏麼氏四種所居之地城東門內有石如羊形故又作羊林唐有

楊林部落即此元憲宗七年立楊林千戶至元十二年改爲縣

元史地理

志 在嵩明州南三十五里

清一統志

在嵩明州南四十里址存

雍正志

仁德府故城 在尋甸州東五里元至元十三年置領爲美歸厚二

縣明洪武十五年改尋甸府成化十五年遷今城北一里址存

雍正志

三泊故城 至元十三年於那龍城立三泊縣元史地理志在雲南府西南

九十里明成化間築今縣裁城存古今圖書集成在昆陽州西北清一統志在安甯

州南三十里址尚存雍正志

石梁故城 在霑益州東北五十里石梁山清一統志在霑益州東五十里

元置縣明洪武時廢址存雍正志石梁係磨彌部又名五勒部其酋世

為巫居石梁原山至元十三年立為縣元史地理志

通泉故城 在馬龍州西南四十里通泉鄉元置縣明永樂初省入

州明一統志在馬龍州西四十里古今圖書集成馬龍州通泉與嵩明州楊林縣接

壤至元十三年改名通泉縣隸馬龍州元史地理志

彌沙故城 至元十三年即彌沙等五城立彌沙縣二十四年并入

邑市元史地理志在路南州東南漢時築明一統志

道光志案彌沙五城蓋築於段氏
時明一統志以為漢時築蓋誤

邑市城 彌歪城 至元十三年即邑市彌歪二城立邑市縣元史地理志

邑市故城在路南州東北八十里清一統志

馬龍故城 馬龍至元十三年改為州即馬龍舊城也元史地理志

研和故城 在新興州南三十里昔摩些徒蠻步雄居此元初其孫

龍插內附置縣明省入州明一統志在新興州南二十九里徽江府志

筓川故城 在蒼義縣西北九十里筓川鄉清一統志至元十三年置筓川

縣屬蒼義州二十六年省為鄉元史地理志

富民城 在縣東南十五里元至元十五年改置威州立富民淨樂

二縣屬焉故築此今廢為富民村楚雄縣志道光志案府志訛為阜民

淨樂城 在縣西南三十五里與富民城同築今廢其旁為淨樂庵

又有村名上北門楚雄縣志

部椿城 在江川縣北二十里清一統志昔蠻酋易昌所築元置雙龍縣於

道光志案元史地理志無雙龍縣

後省入江川今為雙龍鄉其北有古樹春初葉萌土

人視其先萌之方以下歲北雨南旱西則風雨時禾稼登東則豐

歉半四面皆萌旱澇饑饉歷試不爽明一統志

為美故城 為美縣治在仁德府北地名溢浦適侶睽旬至元二十

四年置縣屬仁德府元史地理志在尋甸州北三里雍正志在果馬里故址猶

存尋甸州志

歸厚故城 歸厚縣治在仁德府西地名易浪南籠舊隸仁地部至

元二十四年分立儻俸縣二十五年改儻俸曰歸厚元史地理志洪武中

廢在尋甸州西一百三十里今州境九灣九層城即其故址雍正志與

武定接壤石道猶存

尋甸州志

南甸故城 在和曲州東清一統志南甸武定路治本縣蠻曰讓甸又稱滾

陬籠至元二十六年改爲縣

元史地理志

石舊故城 在祿勸州東五里元置縣屬祿勸州清一統志石舊縣在州東

至元二十六年立

元史地理志

和曲故城 和曲舊城在南元州治於此明史地理志在武定府南二十里

古今圖書集成

在武定府南十五里蠻名叵箴甸元改曰和曲尋升爲州明

隆慶中改附府城故治基址尙存

雍正志

河納故城 芳華縣故城 俱在陸涼州西古今圖書集成

羅山故城 在霑益州東南一百二十里平夷鄉清一統志霑益州東南有

羅山廢縣元置永樂初廢

明地理志

阿邦寨城 在羅平州南三十里土酋龍少特險處古今圖書集成 在州南三

十五里羅雄部龍氏舊址有二城相間里許竝宅基在焉羅平州志

琉璃山古城 在縣西北三里元達魯花赤所築今廢河西縣志

河西古城 有三一在河西縣東三十里一在縣東北一里雍正志 元建

學於此河西縣志 一在縣西北三里俱元時築故址猶存舊志

西古故城 在河陽縣西四里元時築遺址尚存雍正志 築時無考四塞

甚固古今圖書集成

黑邨城 在新興州北十二里團山下雍正志 元時築清一統志

馬橋城 在新興州西北十三里大莊有石城故址雍正志 元時築清一統志

畔籠故城 在新興州西十里甸心元置縣後省入研和縣明一統志 元時

築清一統志

淑龍山寨城

在州東者氏據險處

羅平州志

梁王城

在江川縣北山頂元梁王築

雍正志

玉女城

在省城北十里元梁王築

南詔野史

在昆明縣穀昌故城旁

清一統志

金馬關城

在昆明縣東七里元梁王築址存

雍正志

中古城

在新興州西二里元時置以避兵址存

雍正志

在新興州西半

里社稷壇西北元梁王築駐兵明設倉納五衛屯糧又名古城倉

遺址存

澂江府志

小古城

在呈貢縣北五里許高丈餘相傳梁王屯兵於此

雍正志

周圍

里許高數丈

呈貢縣志

怕念鄉古城

在嘗義縣西南怕念鄉元百夫長居之

臨安府志

羅次三古城

昔時諸蠻所築距城二十餘里各周二百餘丈一日

赤城在城南一曰黑城在城北一曰白城在城東北隅白城內有

聖化寺清康熙五年重修此寺甃瓦上有宣光字乃元順帝太子

立於建昌年號也今城廢址存

雍正志

小堡廢城 在州東北四十里乃帖木兒所居四面水繞河闊塹深

難渡昔沐英擒帖木兒即此城也故壘猶存

陸涼州志

明

神策衛城 在西山下神策營明初金吾將軍築

趙州志

芒部故城 在鎮雄州西南七里明洪武中傅友德調指揮鄭祥駐

兵芒部築土為城師還城廢因名舊土城今遺址尚存

清一統志

松城舊名花通城在城南二十里

鎮雄州志

上關城 在大理府北七十里周圍四里設四門

明一統志

明洪武壬戌大

理衛指揮使周能築郡北要害明初守禦甚嚴今設塘汛撥兵守

之大理府志

下關城 在大理府南三十里城南有橋橋南有壁周二里三門明一統志

築同上關城今傾圮大理府志

富州故城 在土富州境明洪武十七年建清一統志

魯婆伽嶺巡司故城 在馬龍州南二十里清一統志在馬龍州南黃土坡

明洪武十八年建舊有巡司今裁城存雍正志

木密所故城 在尋甸州東南九十里明洪武二十三年建清朝改

置木密守備仍管守禦事今裁城存雍正志在州南五十里易隆驛東

明洪武十五年建周四百六十四丈高一丈九尺開四門尋甸州志太平

景東衛故城 景東府西有景董山洪武中築景東衛城於其上明史地理

志 在景東府西北五里雍正志 明洪武二十三年建周二里門四東曰

利城南曰泰安西曰定彝北曰肅清古今圖書集成 在廳北景董山下明洪

武二十二年緬蠻寇景土司戰敗請師因設衛建城周十里零二

百四十餘步設三門指揮居焉清康熙二十七年裁衛駐城守營

景東廳志

玉筆城 又築小城於山巔謂之月城明史地理志 在景東府西景董山明

洪武中建衛城復於山巔別為小城周圍三十餘丈東開一門清

康熙九年建營於此名玉筆城雍正志

平夷衛故城 在平彝縣西一里清溪河左山巔今俗名舊城山雍正志

宜良所故城 在宜良縣西明洪武二十四年建城周三里清康熙

五年省清一統志

楊林所故城 在嵩明州南三十五里明洪武二十五年建周二里

萬曆五年知州鄭邦福重修今奉裁併州焉雲南府志

霑益故城 在南甯縣東北二百十三里清一統志霑益州舊志府南石堡

山西元置洪武二十五年改置於此明史地理志州城周三里有奇與松

林炎方三城犄角為曲靖捍蔽天啓二年陷於賊四年收復重葺

之明曲靖府志

道光志案舊霑益州在今新霑益州北二百里

江川故城 江川南有故城崇禎七年圯於水明史地理志在江川縣南四

里明洪武二十七年築徽江府志

史拱城 明長官司龍者甯居此開化府志

安甯所舊城 在安甯州南明洪武中築今州之南門即所城之北

門雍正志

越州衛故城 在南甯縣東南十五里明洪武末置今號其地為南

城村清一統志在南甯縣南六十里今城尚存雍正志

大維摩城 在邱北南明洪武間築土城於大維摩雍正志

馬隆所故城 在馬龍州北里許明永樂二年置清康熙二十年所

裁城存雍正志

麓川城 在隴川司南近木邦界舊麓川宣慰司治此山岡險阻周

迴三十餘里柵堅塹廣不可驟越東南一面傍江壁立明正統間

思任發以麓川叛王驥等統大兵四面分攻其西中西北及西南

江上二門又攻東北門及東北出象門克之賊遁入緬甸驥等毀

其城柵班師而還清一統志

定邊縣故城 明成化三年知縣祝子昌築土垣周二百餘丈高一

丈二尺無池今存廢址

古今圖書集成

表以三門門皆設樓

定邊縣志

尋甸故城 在尋甸州北一里明成化十五年築土城後徙魯兀山

下嘉靖十二年遷今治

雍正志

古大羅城 在賓川州東一里俗呼軍營明宏治間掘地得碑上有

大羅城三字因以名衛

雍正志

西街故城 在河陽縣西十里清一統志在河陽縣西五里民居稠密明正

德六年知府唐臣築周三里與郡城為犄角今廢址尚存雍正志為門

五東曰東秩南曰臨清西曰西成北曰覽秀東北曰豐財

徽州府志

新安守禦所故城 在蒙自縣西南十五里明正德十四年築清一統志在

補瓦寨距縣城十里許正德十二年修築周圍二百一十丈有二

門南禦遠北永安清康熙二十五年所裁今城仍舊

縣志

陽宗縣故城 在河陽縣西北五十里明正德間知縣李珩築

古今圖書集成

在河陽縣東北四十里明湖之南元至元中置縣明正德間築城

清康熙八年併入河陽縣城存

雍正志

花丈城 在縣東南七十里明正德時遷臨安衛中所於此築新安

守禦城後以險遠改遷於縣左十里

蒙自縣志

新花州故城 在新平縣西北二百里明嘉靖五年築土城清康熙

五年併入新平縣今州城址猶存

雍正志

新平縣志

鳳梧所故城 在尋甸州東城內明嘉靖六年建清康熙五年裁城

存

雍正志

阿迷所故城 阿迷州東有阿迷守禦城萬曆二年築

明史地理志

在阿迷

州東一百二十里地名虛卜桶舊爲獾獠所據明萬曆二年巡撫

鄒應龍討平之置所竝築土城今裁清一統志

倘甸城 在蒙自縣西七十里昔名祿釵冲巡撫鄒應龍平寇之後

始關草萊築土城臨安府志

鎮姚所故城 在保山縣東南一百五十里清一統志在保山縣東南老姚

鳳山之阿明萬曆十三年改永昌所建今所裁城存雍正志

鎮安守禦所故城 在猛林寨滇志在永昌府西南潞江外三百五十

里明萬曆十三年改金齒所建今所裁城存雍正志

甯遠舊城 在建水州西南一百里本爲甯州地明析置甯遠州萬

曆末廢清一統志建水州西有甯遠州萬曆十四年析建水州置四十八

年廢明史地理志

新平舊城 在縣西五里明萬曆十九年築高一丈五尺厚三尺五

寸架椽覆瓦城外濠周三百五十丈崇禎七年遷今地舊城廢今

遺址尙存 新平縣志

維摩舊廢州城 維摩州西有三鄉城萬曆二十二年築 明史地理志 在邱

北南曰者馬者龍阿凝三鄉之界 雍正志 明萬曆間土舍李應輝築在

石龍山後圮 清一統志

陸涼州舊城 在陸涼州東北二十五里 清一統志 陸涼州城萬曆二十六

年始建土城周二里有奇 明通志 在陸涼州東北二十五里 雍正志 舊城在

今州北清康熙初年州城圮衛城堅完如故後裁衛歸州因移州

大治於衛城內今舊州城故址尙存 陸涼州志

順州故城 在鶴慶府東南 古今圖書集成 在永北府西一百二十里 雍正志 萬曆

二十八年築土城繞城有濠

明一統志

大侯州故城 在雲州南即舊州治與雲夢接壤土名大侯寨

雍正志雲

州舊係土城明萬曆三十一年遷建於大栗樹為今州治而故城

遂廢

滇志

右甸守禦所城 在順甯府西南二百里矣堵十三寨之中右甸川

之西山麓明萬曆間巡撫陳用賓築為郡城藩蔽周二百丈有奇

今遺址尚存

雍正志

萬曆三十八年知府余懋學建今廢

順甯府志

廣西督捕城 師宗州西有龜山萬曆四十八年築督捕城於此

明史地理

志在廣西府西四十里萬曆初置為本府通判分防之所址尚存

雍正志

赤石崖土城 在赤石崖明萬曆間築

大理府志

築高一丈正只里二只

嗎里城 在恩安縣東五里清一統志在鎮雄州東五里明萬曆間建遺址

尚存雍正志在州南十里明嘉靖五年改芒部為鎮雄以流官程洸為

試知府築土城於嗎里鎮雄州志

那代廢城 在新現上酋何起龍據開化府志崇禎四年平黃快部城址

亦佐故城 元置縣明永樂初改屬曲靖府清康熙八年省入羅平

州城址尚存清一統志在羅平州東二百里古今圖書集成在平彝縣東南一百三

十里明天啓四年建石城康熙四年縣裁城存雍正志

炎方故城 霑益州南有炎方城天啓五年築明史地理志在炎方山下今

宣威所轄清一統志在火忽都堡天啓五年巡撫閔洪學檄守備吳必魁

督建高二丈周三丈城樓三間設四門名其城曰化化蓋是時

土婦設科作叛建城制之故名霑益州志

松林故城 霑益州西南有松林城 天啓五年築 明史地理志 在霑益州西

南一百六十里 清一統志 在普魯吉堡 天啓五年巡撫閔洪學檄都司王

聘選百戶 唐三祝督建高二丈周三百丈城樓二開四門 今圮 霑益州志

松詔關城 建築年次失考 明天啓間撥軍戍守 或即以是時建也

今圮 霑益州志

城方橋故城 天啓間知州孟納孔督建時東川安曾不靖名禦外

侮實防內患也 霑益州志

維摩新廢州城 在邱北西阿甯鄉 明崇禎四年徙州治於此 清康

熙九年州廢城存 雍正志

貢泥河城 在縣東南二百里 明崇禎六年築 平彝縣志

煉象關城 在羅次縣西南一百二十里 介安甯祿豐之間 明崇禎

十六年建石城

通海守禦所故城 在通海縣東北五里清一統志明設今所廢城存雍正志

澠江舊府城 在河陽縣東五里繡毬山明知府徐可久遷今治舊

址存雍正志

玉女山城 明土司龍古築開化府志

教化故城 在府西四十里波些山下明長官司張德勝所居基址

尙存開化府志

古木城 即枯木在府南三十五里明副長官司龍勝全築後龍元

慶據此以叛開化府志

阿雅城 明土司龍上登築即今八寨尙有遺址開化府志

革灑故城 明土司龍祚築其地山高箐深人跡罕到天陰時殺氣

騰騰嘗聞人馬鐘鼓聲

開化府志

鎖呂城

在府西七十里明土司烏志德築

開化府志

王弄故城

在府西八十里明王弄司烏騰鳳築後為沙源據

開化府志

陸龍古城

今名樂農沙定州據故址猶存

開化府志

古梁州城

在縣北十五里

河西縣志

道光志案以下三十八城建築年代俱失考今附載於明之後

宜良八古城

一在宜良縣東陳家渡一在縣東五百戶營一在縣

東北彌沙龍一在縣東南竹瓦村一在縣西巖泉寺一在縣北城

北村一在縣北江頭村一在縣北兔街子

雍正志

塔墩城

在州南二里許

晉甯州志

河陽故城

在河陽東

清一統志

黑柏城 在河陽縣東舊陽宗縣東三里一名輸納籠城雍正志蠻所築

也清一統志

法土竜城 在廣南府西十五里其城險固城後有高山壁立復有

石城憑高臨下城中每恃為聲援雍正志在府東北三十里麒麟山上

下有清泉可資灌溉開化府志今其址餘存書志錄平回濠自

歌岡城 在芒市去龍陵廳一百二十里今廢永昌府志

羅古城 在界頭雪山下舊為蠻酋所建舊有大寺在其處聞此地

有路踰雪山可通上江騰越州志

維摩舊城 在府北七十里江那界內開化府志立古碑宰相劉勳漢魏

西山古城 在府西七里開化府志

科麻城 在府東北六十里址存開化府志

底宜故城 在府西七十里

開化府志

弓革城 在府東北百三十里

開化府志

石城 在新現阿打克山嶺山下有井旁立石碑字跡磨滅難辨城

內有棕樹百株確磨軍器諸物人取之則中毒死其城四面石壁

惟一徑可通不知創於何時

開化府志

新平古城 在縣西南五里不知築自何年想亦古之夷巢相傳或

以為諸葛武侯築蓋傳聞之謠今其址猶存舊志載平甸鄉有廢

城為元末梁王避兵之所或即此

新平縣志

天生城 在恩樂縣東六十里三家坡周圍懸巖石壁中有平地儼

如城垣今駐汛兵

雍正志

昔駐兵今撤回縣城

道光志

木柵義城 騎思寵城 俱在陸涼州東南中坵澤上今廢

雍正志

鹵昌古城 在陸涼州西南五里許雍正志

大小石城 俱在昆陽州北三十里其石環圍如城清康熙三十三年

按察使許宏勳鑄大石城壁曰湖天鎖鑰小石城壁曰雲莊雍正志

小烏蒙城 在恩安縣北七十里四圍皆山中有平地夷人於此耕

木種號曰傑紀清一統志正平收田雲冬深

景杏土城 馬援城 景杏土城在孟定府境其相近又有馬援城

東今名馬援營清一統志東川州西南二里地此

密堵城 速送城南在孟養司南皆孟養別部所居距孟養十餘程

瀕金沙江近緬甸之阿瓦城清一統志

西山故城 在州西三十里昔夷長所居今壁壘存焉陸涼州志

尚瀆城 在馬龍州東南四十里雍正志不知所自馬龍州志

耶城 在馬龍州與尙濱城皆土蠻築雍正志在州東南境不知所自馬龍州志

羅密城 在騰越州北三十里清一統志在騰越州北二十里舊為蠻酋所

居濠塹猶存雍正志

鐵板城 在鐵橋南古今圖書集成

東川故土城 在東川府西南二里故址存雍正志有三在綏甯門外土

酋三子分居之今皆無存東川府志

木期古土城 在江外蒙居租清乾隆五年知府田震參將繆宏築

東川府志今圯道光志

祿氏土城 在豐昌門外三里許五竜募故址尚存是為土府東川府志

祿氏水城 在羅烏門外青龍山下今燬東川府志

新纂雲南通志卷四十一目錄

地理考二十一

城池二

清一

雲南府

大理府

臨安府

楚雄府

澂江府

廣南府

順寧府

在耶事... 不知所...

商南... 不知所...

商南... 不知所...

商南... 不知所...

商南... 不知所...

商南... 不知所...

商南... 不知所...

商南... 不知所...

商南... 不知所...

商南... 不知所...

商南... 不知所...

新纂雲南通志卷四十一

地理考二十一

城池二

清一

雲南府

雲南府城

昆明縣附郭

拓東城廣德二年鳳伽異所置也其地漢舊昆川

故謂昆池東北有井邑城隍城西有漢城土俗相傳云是莊躡故

城城之東十餘里有穀昌村漢穀昌王故地也貞元十年南詔破

西戎遷施順摩些諸種數萬戶以實其地又從永昌以望苴子望

外喻等千餘戶分隸城傍以靜道路樊綽蠻書廣德初鳳伽異築拓東城

諸葛亮石刻故在文曰碑即仆蠻為漢奴夷畏誓常以石搗唐書南蠻

傳唐永泰十一年道光志案永泰無十一年此誤蒙太子鳳伽異築明洪武十五年修廣

十里三百三十四步共一千九百六十七丈阮元聲南詔野史舊有故址云創

自莊隲至唐蒙氏始築拓東城明洪武十五年重築甃城周九里

三分高二丈九尺二寸設六門上皆有樓大東門曰咸和樓曰殷

春小東門曰敷澤樓曰璧光南門曰麗正樓曰近日古今圖書集成原名尚明總督范承勳易今名

大西門曰寶成樓曰拓邊小西門曰威遠樓曰康阜北門曰拱辰

樓曰眺京道光志案今名望京居南門西偏者為鐘樓環城有河可通舟楫外有

重關跨衢市之隘萬曆四十八年巡按御史潘濬建清順治十七

年以來凡有頽壞題請動支鹽稅修葺康熙二十年因大兵攻圍

吳逆傾圮重修雍正志雍正六年酌定公件項下每年存銀三百兩以

備歲修以後凡有傾圮俱動公項存銀修補道光志案會典事例乾隆三十一年覆准雲南省城垣每年酌留耗羨銀三百兩如

有零星坍塌工役准其隨時動支仍造具估冊送部

乾隆十三年知府徐鐸繼修二十一年知縣額魯禮

重修二十九年知縣魏成漢動項修理三十年復有坍塌三十一

年攔馬古埂坍塌咨部修理委知縣李世保董其役三十三年小

東門城腳陷落城樓堞口坍塌巡撫諾穆親委知縣朱學醇修理

五十五年被雨坍塌巡撫譚尙忠委知縣施廷良承修嘉慶四年

小西門外城腳陷落巡撫初彭齡委知縣李治重修二十一年總

督伯麟巡撫孫玉庭陳若霖請支地丁銀兩重修捐貲新建東偏

鼓樓以配西偏鼓樓知府景謙錢昌齡知縣丁錫羣葉申蕓董其

役道光九年總督阮元巡撫伊里布動支邊費銀兩委署知縣王

燮承修道光道光十三年地震墻垣鼓樓半多傾圮十八年總督伊

里布巡撫顏伯燾督同各官捐廉重修名鼓樓曰啟文鐘樓曰宣

化咸豐五年官民重修並改建啟文樓增高丈餘以培文風十一年重修大西城墻垣因多火災仍將啟文樓改修如故同治十年大水大東門城腳陷落城樓堞口坍塌巡撫岑毓英籌修復以六城城樓堞口墻垣均有損壞光緒元年檄善後局籌款重修六年小東門外城墻坍塌甕洞傾圮總督劉長佑巡撫杜瑞聯籌修並

重修六城堞口墻垣

光緒志

按民國八年滇以護國功成開東南一門顏曰護國以作紀念而利交通無樓亦無重閣俗呼小南門門外築橋亦以護國名民國十一年昆明市政公所為整理交通起見將南城之麗正門及月城拆去以其舊址改修近日公園樓則另加葺改麗正門為正義門東西兩端各闢一口築環形馬路繞近日公園而出交通為之大便十八年為通關南城外市場又將大小南門間一段城墻拆卸

總督伊里布重修雲南省城碑記

雲南省城由來舊矣我朝屬經修築墻垣堅固樓堞整齊金湯之壯稱雄鎮焉迄今道光十有三年震災之後四垣多圯六樓半傾既不足肅觀瞻且無以資守護修之烏可不亟今春司道府縣共輸清俸集萬有餘金升任楚北巡撫前方伯伍公總其成都司施應貴等董其役費五千金料實工堅事不愆素圯者完之傾者正之煥然翼然復舊式焉自此以往守固民安諸蕃之使咸仰崇墉豈不美歟餘五千餘金留濬六河以利農田是衛民也並以育民一舉兩得甚盛事也不可以不記

富民縣城 舊治在安甯河南梨花村旁尋徙大河北明嘉靖中因

水患泛溢復遷河南土主村萬曆中復徙至大河北舊無垣師範原滇繫

係土城崇禎十三年知縣王孫齊改築甃城周二里高二丈雍正環

城有濠深五尺原設四門西門久塞止開其三東曰文輝南曰迎

恩道光志案縣志作阜財北曰拱辰上各豎樓俱傾圮清康熙十年知縣高一品

重修燬於兵燹三十一年知縣劉修賢增修雲南府志後濠淤水漲城垣

坍塌雍正八年知縣楊體乾捐金重修富民縣志乾隆二十六年知縣汪

庚動帑重修五十九年被水沖塌闔邑士民捐修後仍傾壞嘉慶

元年重修九年復被水沖塌二十四年知縣許應元捐俸重修道

光二十五年知縣廣和重修新建四門鼓樓南北樓尤壯麗後北

城樓燬光緒四年知縣志秀改建三楹今惟南城樓完固餘多傾

圮光緒志

按民國八年縣長孫天輔於城隅添建四
調樓以禦匪至是城甌寥寥半皆土牆矣

宜良縣城

蠻酋羅氏於此立城居之名曰羅哀籠

元史地理志

明洪武二

十二年竹山野賊抄掠縣境二十四年置守禦所千戶始築甌城

於雉山之麓副千戶許斌督建周四里高一丈三尺宜良縣志無池門有

四東曰太和南曰文煥西曰嚴肅北曰廣潤雲南府志宏治十二年地震

傾圮都指揮方略按察司知事陳樂重修門樓四座東門曰向陽

南門曰爽薰西門曰奮武北門曰拱極清康熙五年裁所歸縣遂

為縣城五十年知縣徐琳重修雍正十年知縣朱干倡率紳士徐

松等重修改東門曰仁育南門曰文煥西門曰義正北門曰觀光

乾隆九年知縣張日昉捐修道光志二十六年知縣富森詳請動帑

重修次年工竣周圍長五百九十五丈零四寸計三里三分零高

一丈八尺腳厚一丈四尺頂寬八尺樓四座各五間一層嘉慶

二年署知縣周熊捐修道光

羅次縣城 舊無城明天啟間始築土城後圯清康熙二十一年知

縣徐吳錦重築周二里高一丈二尺雍正設四門門各建樓顏以匾

額東曰東作方興南曰南薰解愠西曰西成在望北曰北極恩光

無池雲南府志四十八年知縣謝曾祚建城樓雍正六年知縣王忠武重

修四圍墻垣雍正嘉慶十二年合邑紳耆捐貲重修南門城樓道光兵

燹後盡圯光緒三年知縣楊運昌請款勸捐仍築土城上覆以瓦

四門各建以樓東門曰祈福西門曰迎祿南門曰永安北門曰振

武光緒

按城俱土墻民國十一年知事張治
中籌建磚樓一座匪患稍資防禦

晉甯州城 舊有外城周七里隋刺史梁毘築內城名陽城堡蒙氏

築歲久盡圯明成化二十二年知州熊宏重築土城宏治十二年

知州喻敬復即古城址築土墻萬曆三年巡撫王疑檄知州劉儲

改築甃城周四里道光志案府志作三里州志作八百一十三丈許四里五分零高一丈八尺雍正志門有四東曰龍

翔西曰鶴翥南曰玉案北曰海金崇禎丁丑知州唐萬齡建四樓

於上題其東曰龍曙西曰望鶴南曰控江北曰海宴明末流寇攻

陷三樓焚燬僅存北樓清康熙六年知州王業厚重修北樓其東

南西止建房於上無樓三十年知州李雲龍復建三樓重修北樓

焉雲南府志四十二年知州秦采建北樓四十八年知州陳維顯建南樓

乾隆二十六年署知州朱陽詳請帑銀重修州城址基廣高仍舊

制新修雉堞每門各建大廈三楹加題匾額東曰迎青樓南曰迎薰樓西曰迎豐樓北曰迎恩樓有池晉甯州志道光十三年地震傾圮三百餘丈十八年署知州朱慶椿率士民倡捐重修每門上建鼓樓設營房添置刀牌火鉤等物俾資捍衛咸豐六年知州甘來旬率士民重修七年州城戒嚴適值陰雨東西南城垣傾圮官民晝夜督修十年城陷燬東西南三城樓十一年知州熊夢昌率士民捐修同治十年大雨西城垣圮十數丈知州廖修明請款修復是年冬城復陷坍塌愈多光緒元年知州葛靜遠率士民捐貲重修尋圮十餘丈六年紳民捐修光緒志

按民國十四年至十九年曾三次修葺

呈貢縣城 漢有舊城久廢宋時大理高智昇遣土官伽宗築土城

名伽宗城道光志案府志縣志竝作後晉天福明洪武十年知縣揭官保遷築三台山之陽

仍為土城道光志案一統志作洪武十六年築土城天啟間知縣周夢禛道光志案縣志作萬禛改築甄城周二

里旋經流寇拆毀今存舊址無城池雍正志清康熙四十五年典史孔

宸捐俸建南北二樓額其南曰龍翔門北曰神京門呈貢縣志乾隆二十

六年巡撫劉秉恬請帑委知縣魏成漢修建甄城周七百二十丈

高一丈六尺設四門門各有樓城內有河由東門引水而入至西

門砌洞洩出道光志咸豐間賊踞縣城於東北城腳鑿池築牆致東北

城垣屢次坍塌同治十一年知縣余鎮南光緒二年知縣鄭楊芳

先後請款修復七年代理知縣麻時培捐廉重修呈貢縣志

安甯州城 唐蒙氏築於今之西南隅圯惟存址又築江東城在今

州城東南廢而無考安甯州志舊有守禦所城在今州南明洪武二十四

年千戶朱壽築後圮萬曆三年知州姚繼先築甃城於今地卽以

舊北門爲南門周五里有奇道光志案府志作九百一十九丈州志作一千五百五十八丈五尺高二丈二尺雍正志厚

一丈一尺爲堞三千六百六十堵接太極羅靑二山之脈鎖太極

圭山於西南之隅志州北依螳螂川其三面無池雲南府志闢八門東曰拱

華燬於火南曰臨祿燬於兵西曰洪源北曰浴德俱傾圮清康熙

四十一年知州高鈐重修改南門曰南薰無樓今惟吞海煮海二

門尙開其二門久塞州志雍正九年知州楊若椿增修舊志乾隆二年城

垣坍塌知州侯如樹詳報奉文入於以工代賑案內興修城樓久

圮乾隆間署知州李鵠重修二十五年知州卞懷詔詳請動帑重

修五十二年署知州董傑詳請緩修道光五年城樓坍塌署知州

劉秉仁率士庶捐貲修理兵燹後惟東門城樓完全餘多傾圮光緒志

按民國十四年匪患猖獗地方紳董籌款於城上築土牆高四
五尺覆以瓦並於西北城易以堅厚木門上蓋城樓以資防禦

祿豐縣城 舊有土城元至正十二年道光志案清一
統志作十三年築明萬曆三十五年

燬於土賊阿克四十八年道光志案清一
統志作四十八年知縣向兆麟改築甃城周

三里高一丈六尺雍正志西倚星宿河三面無池清康熙九年地震傾

圯知縣郭迪階重修城門四樓如之東曰聚奎南曰來薰西曰河

清北曰拱極雲南府志後知縣丁宗閔重修三十九年南北樓壞東城崩

三丈知縣王毓奇捐俸重修四十七年西城裂二丈知縣黃樞修

補五十一年知縣劉自唐捐俸增修並開築賽寶壩自北而東而

南渠水長流可以作池東城樓久廢無存典史趙思忠捐貲重建

祿豐縣志雍正十一年知縣陳齊庶築護城堤舊志乾隆六年署知縣伍福

展重修南城樓二十六年巡撫劉秉恬請帑委知縣朱紹文鍾清

彥承修嘉慶七年水泛滄塌西城十七年霪雨東城崩裂十三丈
俱詳咨緩修東門久閉不開十六年知縣許澄清詳請開啟同治
九年霪雨城垣坍塌十年知縣張鈺汎弁羅炳率士民捐貲重修
完固光緒間知縣朱爲雨重修

光緒志

昆陽州城 舊無城明正德四年州同陳暘始倚月山築土城

雍正志

周

三里有奇沿山附海又築堤以廣基云

演繫

崇禎七年巡按御史姜

思睿守道楊文岳遷築甌城於長松山前周二里高一丈八尺

舊志

關門五南曰南薰西曰治安北曰拱極東左曰澄清東右曰觀瀾

明末爲沙酋流寇屠毀今仍遷舊址無城池

雲南府志

清乾隆二十六年

知州梁秉睿詳請動帑建甌城西倚月山東臨滇池周四里零五
門仍舊惟改東右爲行春西爲麗澤南爲迎薰道光十八年知州

朱慶椿重修咸豐六年兵興環城鑿濠寬一丈深一丈五尺

光緒志

易門縣城 元至元四年立易門千戶所十二年改爲易門縣築土

城於南莊明洪武二十四年建所城於龜山周二里三分闢門四

上皆建樓引大龍泉繞城爲池萬曆二年遷縣治與所同城地高

乏水崇禎五年知縣王國勳建水城於西門外暗通河水入城

易門縣志

清康熙四年闔邑士民捐修

雍正志

乾隆中屢修水城十四年水城圯

知縣王有德捐俸重修十九年地震城壞二十一年知縣王壯圖

詳請動帑重修二十三年知縣何煜捐貲重修水城三十二年北

城坍塌十餘丈知縣李鵠倡率士民重修三十六年署知縣楊奎

典史高大崑於東門內引泉水鑿池建亭額曰利濟嘉慶六年霪

雨東南北三面坍塌數十丈知縣杜鈞詳請緩修九年署知縣許

霖重修南門城樓二十年樓圯垣圻知縣蔡世忱詳請修理

志縣

同

治七年城為匪徒以火葯崩壞甚多後增築土城以資防守

訪採

嵩明州城

嵩明州治沙札臥城烏蠻車氏所築

元史地理志

後為枳氏所

奪又名枳皚久圯

清一統志

明宏治九年知州黃澄源始築土城嘉靖六

年叛酋安全

道光志案州志作安銓

攻毀

雲南府志

七年題准築城置禦時以交南兵變

不果二十九年聽選大使李大本舉人楊鈞條議以築城改河二

事上請報可復值元江兵阻

高明州志

隆慶二年鄉官主事楊松年同士

民申請捐築巡撫陳大賓檄知州樂頌築甃城周三里三分關門

四東曰迎嵩南曰朝宗西曰鳳翔北曰拱極門各有樓無池

府志

清

雍正七年知州安鼎和重修

雍正志

周圍長四百四十七丈高一丈四

尺腳厚一丈頂厚八尺乾隆元年巡撫張允隨請帑委知州張浩

重修制仍其舊八年北門城墻坍塌十年署知州陳齊庶捐修三十四年署知州張德晉捐廉重葺道光道光十三年地震傾圮過半咸豐六年以兵燹蹂躪知州春慶補葺粗完九年知州楊豫泰率紳民重修西北門樓同治十二年城垣坍塌知州陸紹孫率紳民

重修光緒志

按塚口坍塌殆盡民國十二年因防匪患曾用土補修一次亦傾圮不堪

大理府

大理府城

太和縣附郭

陽苴咩城南詔大衙門上重樓左右又有階道高

二丈餘甃以青石為磴樓前方二三里南北城門相對太和來往通衢也從樓下門行三百步至第二重門門屋五間兩行門樓相對各有勝竝清平官大將軍六曹長宅也入第二重門行二百餘

步至第三重門門列戟上有重樓入門是屏牆又行一百餘步至

大廳階高丈餘重屋製如蛛網架空無柱兩邊皆有門樓下臨清

池大廳後小廳小廳後即南詔宅也客館在門樓外東南二里館

前有亭亭臨方池周廻七里水深數丈魚鼈悉有又歸義男等初

立太和城以為不安遂改創陽苴咩城樊綽書陽苴咩城去太和城二

十五里唐書地理志天寶八年南詔神武王固修城郭曰羊苴咩城張道宗記古滇說

大歷十四年南詔異牟尋築苴咩城延袤十五里資治通鑑即今大理府

城郭清一統志一名紫城方圓五里西倚點蒼東抱洱水龍首關於鄧川

之南龍尾關於趙臉之北稱山水大都郭松年大理行記即漢葉榆縣故地明

洪武十五年指揮周能重築甄城十六年都督馮誠拓而廣之周

十二里高二丈五尺雍正志厚二丈池闊四丈城內馳道闊二丈五尺

四門各有樓大理府志東曰通海南曰承恩西曰蒼山北曰安遠鼓樓十

五舖舍三十九城上四陞置角樓舊志東北曰潁川東南曰西平西

南曰孔明西北曰長卿府志後角樓廢清康熙初知府萬邦和重修

復將堞口并三爲二三十一年提督諾穆圖知縣張泰交重建四

城樓舊志改東門通海樓曰永清改西門蒼山樓曰永鎮題鼓樓曰

五華五華遺址不可考姑存其名府志雍正八年知縣羅忻重修舊志乾隆四年坍塌知縣姚

恪詳請動項重修六年大雨城墻堞口坍塌八年復有坍塌知府

萬青選汪上堦知縣徐淳竝增修十二年署知府王岱捐修原建

高二丈四尺周七里三分堞口一千五百六十設四門東曰洱海

南曰雙鶴西曰蒼山北曰安瀾各有樓東曰迎暉南曰迎恩西曰

永安北曰拱極高二丈二尺咸豐間杜文秀據城以叛同治十一

年巡撫岑毓英統兵攻克四面開掘地道轟塌大半十一年籌款

重修光緒三年東城垣坍塌五十餘丈巡道熊昭鏡知府毛慶麟

知縣曹廷銓請款重修七年東南城樓傾圮巡道熊昭鏡知府鄧

華熙知縣張晉亮重修八年東城垣復傾圮十餘丈知縣吳申祐

興修光緒志

趙州城

舊無城

道光志案州志謂舊在里仁鄉無考

明宏治二年分巡道林俊始築土城周

三里高一丈三尺

雍正志

厚五尺池深一丈四門有樓東曰見山

道光志案州志作迎

西曰鳳儀南曰嚮明

道光志案州志作在德

北曰用夏

道光志案州志作拱極

後知州莊誠改東

門為接龍改北門為拱極清康熙五十六年知州陳士昂修南

北城樓雍正七年地震南樓圮知州徐樹閔史增先後修治十二

年秋大水泛溢東西垣圮知州程近仁修築乾隆三年復有圯

塌知州戴朝冠增修三十年秋水泛漲東門城樓城牆各有坍塌
奉文入緩修案內嘉慶十年知州汪景蘇重修西南北城樓十四
年黃祖錫復修西城樓今惟西南二門如舊道光志

彌渡城

屬趙州地舊無城

雍正志

明崇禎十年蒙化府知府朱統燧築

僅成東西南三面洱海道何閔中罰蒙化土官築其北一面成之

大理府志

周二里

舊志

因河高城低屢次衝決一修於知州陶鼎玉再修於

知州陳光稷

府志

清康熙五十四年署知州張倫至濬河築堤始免

水患雍正七年移本府通判分駐舊志彌城有門無垣咸豐七年增

築土城七月城陷盡毀光緒四年通判王肇勳撥河工租息修建

城門

光緒志

按民國十三年知事王家修以縣治無城曾受匪患乃提倡建城樓五座以是憑樓駐兵設匪不敢侵入矣

雲南縣城 舊爲洱海衛明洪武十九年築甃城周四里三分高二

丈三尺

雍正志

池闊四丈深二丈四正四隅樓堞整齊四門各有額東

曰鎮陽南曰鎮海西曰清平北曰仁和又建鐘鼓樓於北首

即今米市天

啟三年樓堞毀於地震惟南郭樓僅存清裁衛歸縣遂爲縣城

雲南縣志

康熙七年守備葉綦知縣王請度涂方昇重修

大理府志

雍正八年知縣

王璐再修乾隆二十六年知縣徐諗請帑重修完如新建

縣志

周九

百二十丈高一丈九尺增築南門外月城四十九年知縣徐煥嘉

慶十九年知縣蔡世瑛先後修理

縣志

同治十一年大軍攻剿四面

施放地礮垣圮五十餘丈光緒二年闔邑士民捐修三年霪雨垣

圮五十餘丈知縣鳴泰會營汛李桂芳籌款率紳士楊兆貴重修

城垣閱四月而工竣

光緒志

光緒三十三年城西北傾圮五丈餘知縣

莊楷委員修復宣統三年西南城墻復傾六丈餘知縣路承熙委

員修復

訪採

案民國以來匪患猖獗於四圍城墻增加五尺上蓋以瓦增哨房十六間民國十七及二十兩年復兩次修葺

鄧川州城

漢為葉榆縣地土蠻隨畜遷徙無城唐置澄備州治大

釐城即今太和喜洲地蒙氏襲之改治鼎勝山之北岡蒙氏又奪

之名其城曰德源元初置千戶所憲宗十一年改設鄧川州治中

所明洪武十七年遷治玉泉鄉成化間圯於潦遷治象山之坪隆

慶三年知州周文化築城後沒於沙水知州鍾大章遷治來鳳岡

無城天啟間知州徐保泰遷治德源城崇禎十四年

道光志案舊志作十三年

知州

敖法貞因地高乏水遷鄧川驛築土城背繞山半

鄧州志

周三里八分

高一丈五尺

雍正志

厚五尺惟有東南北三門門樓三東曰朝陽南曰

迎薰北曰拱極無池清雍正九年知州施震重修大理府志乾隆二十八年

年署知州汪斌動帑重修截去繞山之半而易以甃周三里七分

高厚如舊設門四東曰德源南曰敷澤西曰景徽北曰觀化門各

有樓東曰玉案迴環南曰龍關擁翠西曰文明啓始北曰江煙映

日以溪水爲池自西而東順地轉北繞出羅時江漲涸無時每遇

大水輒泛衝城道光三年署知州李文培築壩於山巔以遏其勢

始得免患然須歲歲修之志州溪水泛溢東西南三城久爲沙石埋

沒惟北城鼓樓基址尙存光緒七年知州黃繼善建都天閣於上

探訪

浪穹縣城 舊無城明萬曆三年知縣李之一始築土城周二里三

分高一丈一尺雍正志二十四年知縣王承欽毀西門設下北門無池

東面臨湖四門各有樓清康熙三十一年攝縣事通判黃元治增

修歲久傾圮雍正八年知縣張坦重修舊志乾隆三年知縣伍福展

增修並增建城樓三十五年甯湖水漲東南北三面城垣及東北

兩城樓俱被水衝圮四十四年知縣蘇梧捐修如舊制嘉慶八年

十一年十三年疊被水災東南北三面城牆及東北二城樓復圮

俱經通詳列入緩修案內尙未修復道光二十二年知縣樊肇新

修葺南門兵燹城垣盡毀光緒二年知縣黃廷銓同紳民重建東

城樓額曰寅賓門光緒志

按民國十一年匪風猖獗知事王用中議修未果築磚於西南北三面東門亦整理添修然有磚無
牆難於防禦故匪三次陷城十七年知事唐繼瑛照原址修築土牆加築梁口於要隘以資防禦

賓川州城 舊無城明宏治七年築甃城周四里三分高一丈五尺

無池大理府志明宏治間築城初掘地得石碑刻大
羅城三字莫考其始因以名城雍正亦以名衛設四門各有樓東曰迎暉南曰永安

西曰西成北曰柔遠大理府志嘉慶八年正月地震十餘日城垣坍塌門

樓傾圮業經通詳列入緩修案內尙未修復光緒三年知州孫紹

曾稟請籌修光緒志光緒十八年前知州魏朝瑞因西北隅傾圮以縣

署官田出賣得價銀三千七百八十五兩遂大加修繕採訪

雲龍州城 舊州治在江外三七之地明萬曆四十八年知州周憲

章築土城雍正志周四百六十丈高丈五尺厚四尺東南北三門各

有樓東曰帶蒼南曰永綏北曰懷遠西則樓而不門匾曰景崇此

舊州城也大理府志崇禎間知州錢以敬遷於雅馬井即今州治無城池

舊志

按舊日土城坍塌殆盡無可認識民國十八年復移治石門城尙闕如

臨安府

臨安府城

建水縣附郭

唐元和間南詔蒙氏築惠劇城於巴甸巴甸者譯

言建水也

臨安府志

舊有土城明洪武二十年

道光志案府志作十五年

宣甯侯金朝興檄

指揮萬中拓地改築甌城周六里

道光志案府志作六里三分

高二丈七尺

道光志案府志作高二丈五尺厚減五之

一設四門東曰迎暉南曰阜安西曰清遠北曰永貞東南為鐘樓

雍正志

四門各有樓三層高四丈有奇廣六丈有奇

府志

成化十六年兵

備道何純重修

舊志

竝鑿壕塹後西南北三樓燬於寇惟東門樓獨

存清康熙四年知府曹得爵建北樓守備李承芳建西樓知州李

頴建南樓

府志

竝建礮臺十座雍正五年

道光志案一統志作四年

總兵楊天縱知府

栗爾璋知州祝宏增修十三年知府石去浮增修城樓由東北及

西南有池正東及東南無池

舊志

乾隆二年知州夏治源詳修城樓

城垣各懸匾額東曰東關霞燦南曰南浦雲飛西曰西山爽氣北

曰北極星輝嘉慶十五年知府王善壇詳修道光六年知府企善

署同知戴澤知縣龔正謙同紳士捐修南北西三城門建水縣志咸豐元

年闔郡紳民以育嬰堂餘貲重修東城樓繼以匪亂北城曠而難

防同治六年捐貲依城築壘以資守禦光緒四年知縣章于錦捐

修鐘樓及各城門八年巡道沈壽榕督辦邊防到郡巡視西南北

城樓城垣盡行坍塌倡首捐廉督同知府劉毓珂知縣秦述先暨

紳民捐貲並請款重修一律完竣光緒志

石屏州城 舊無城明成化十六年知州蔣彝因民居設四門雍正志東

迎恩西通貢南拱辰北鍾秀嘉靖三十年始築土城周四里三分

州志建東西兩城樓石屏州志萬曆二十四年知州蕭廷對因舊城重修東

南兩門舊志更四城門名東海日南雲臺西寶秀北龍朋天啟五年

道光志案府志作二年

攝州事通判顧慶恩州人左江道副使陳鑑改築甌城

舊志

去故址數武拓出七十餘丈七年告竣周七百四十八丈有奇高

二丈有奇厚二丈城外鑿池環引異龍湖水

州志

七年重修四城樓

清康熙六年知州劉維世重建四樓歲久傾圮三十二年知州徐

印祖重修三十八年知州張毓瑞增修

州志

雍正四年知州龍為霖

修葺四圍城牆竝東西北三門城樓十三年知州柳際夏倡率州

人何其偉潘錄重修西城樓乾隆十九年地震城垣坍塌四十餘

丈知州管學宣詳明捐修四十五年署知州呂纘先重修四城樓

竝燧口城垣各有修葺

舊志

嘉慶四年地震城堞樓櫓傾圮知州孫

儀率士民捐修十四年知州張琛捐廉重修二十二年署知州王

鼎文率紳士再修道光十三年地震東南隅垣圮二十餘丈知州

姚延之率士民修葺六閱月而工竣咸豐六年匪徒之亂賊烽颯

忽警備無時邑人籌費鳩工完治傾圮輦石運土增築城身之半

高平睥睨加增三尺上覆以甃增築礮臺同治三年鄉練內訌轟

西北礮臺及城垣數丈尋葺完五年士民捐貲沿壕築長垣廣尺

高丈石址而覆以瓦城守益固

光緒志

按同治中臨元鎮梁士美派屏民工用木基增築外城一
道光緒二十九年為防臨安周迎祥又由舊堞加高一度

明知府弋陽徐一科石屏修城記

自黔國創平六詔撫安分定臨元異龍宵破坎李授首皇威震蕩妖膽落既畫地而守之誰敢睥睨歷今二百餘年兵力漸弱筴

驚傍伺非未雨綢繆何恃以為保障乎屏接壤元江河外瀛溟祇屬羈縻沙溝通黑坡羅白且之間盜藪環集乘隙騷動士女之孱

戮村寨之掠劫勢不可支數版土垣豈堪庇數萬生靈哉輒城之議不可一日緩也或以大役難興或以錢穀無措或以徵發召怨

相視而不敢任者幾三十年鄉紳陳憲副傾囊中金二千慨然為之助上臺亦屢檄酌議以速其成此時秉州篆者估九千金議加

派議私助紛紛築舍者又三年矣乙丑別駕顧公來署屏符甫下車備越餼為崇劇寇縱橫招撫綏安之餘計非易土垣以甃無以
壯威靈而衛元元於是力請與工予奉檄歷屏境與士紳工役逐款商估量酌五千餘金時方有事交尋雲臺一帶多以就戍為辭
欲以半州之力供此大役別駕雖毅然任之而予猶疑其難就也不半載而報東西峻兩門矣不經年而報南北又峻兩門城舖靡
譙次第舉矣費不加多而高廣倍於昔日予心欽之而且疑之也迺詢士民來謁者咸曰顧公非肯威驅勢劫也激勸以服人心平

價以慰衆願不惜心力之勞瘁日撫工役之辛勩遠方聞而就役者如歸市故不罰一卒不撻一人而成於不日閭閻恬逸若不知有此役者予憮然曰別駕公能如是乎司李公以巡事歷屏回謂予曰屏城堅厚觀美與審益相伯仲其他不能及也益信士民之言不誣予當日同事之意得借別駕而有成矣當今水西鴟張交窺伺屏爲臨之邊邑粉堞雄峙湖流環繞屹然爲形勝之地不獨樹屏之金湯且以堅臨之藩籬矣昔吳玠城釣魚以爲勝於十萬師斯城告竣而劇寇不敢飲馬龍湖使黔國撫安平定之績不墜於積衰之後詎不壯與嗟哉千尋雉堞萬載雄關二百年之缺典一朝而就誠盛舉也因士民之請勒之石以共永焉

寶秀城 在石屏州西三十里臨安府志爲分防汛地乾隆三年巡撫張允

隨請帑建土城周四百二十一丈高一丈一尺三寸設四門門各

有樓二十六年巡撫劉秉恬請帑檄知州管學宣重修舊城依山

面湖周里許池濠不深咸豐八年里人捐貲重修後燬於兵光緒志

阿迷州城 舊無城明正統間知州張安始築土城雍正志高丈餘爲門

四朝宗迎旭望廣拱極成化十六年東西二門圯知州黃時中改

立阿迷州志嘉靖四年分巡傅尙文拓築舊志二十一年都指揮司邦憲沿

城立鼓樓八座臨安府志二十二年署知州張哲修東西二門署州同曹

松改修南北東三門

志州

萬曆四十五年巡按御史吳應琦改築石

城周三里

志舊

高一丈二尺

志府

後經流寇折毀清康熙九年知州王

民緯重修

志舊

雍正八年知州毛振翎增修城樓堞口

志舊

設四門東曰

迎暉西曰來爽南曰奏凱北曰拱辰無池

志府

乾隆六十年東南隅

坍塌知州張衍齡捐貲修葺嘉慶二年署知州張大鼎復捐修十

年東南北三隅及北門礮臺相繼傾圮知州于玠捐俸增修十五

年大風拔城側大木壓倒北樓堞堞口十餘座知州曾維道詳明

攤廉修補咸豐間夷酋馬洪掘地道轟毀東北隅城垣三十餘丈

光緒六年知州先進德請款修葺

志光緒

十八年東北隅城垣坍塌八

丈餘知州王薇請款重修二十七年西北隅垣坍塌九丈餘知州

吳昌祀請款修葺

探訪

知州臨川王民暉阿迷州修城垣記

朝廷樹功德於民而爲之捍患禦災者莫如城自畿甸以暨邊徼凡郡州邑有封址闕焉待創興者有樓堞墮焉需繕葺者莫不悉責之吏吏之所任其難矣哉阿迷距京師萬里舊作土城其後甃砌甃石以固圍始於先朝萬曆間迄丁亥爲皇清定鼎順治之四年時有土孽萌孽慘召毒戎土焦而城傾曾不能以一瞬抵今幾三十年屢議修舉而尺寸罔有濟輒報罷戊申冬予自江西移守是邦至之日見煙樹蕭條民舍寥落四封崇址爲荒土所齧蝕車人牛馬介然而路之心惴惴焉謂予有官守者也不有城吾何守又念茲地影蔽已極難興重役越庚戌事憲檄飭修迺告於衆曰吏此土者最久五六年當去若等廬舍子孫千百祀咸在焉盍亟圖之以春仲六日請命於神爰興工役自西至南知州吏目任之自南至東學正諸紳士任之自東至北至西士官任之捐貲募力台城內居民以助城周六百七十五丈計丈分任操功自倍幾於不疾而速似不知有增高負重之難甫匝月而全城功竣噫嘻治尙人和衆志以成由茲而時和年豐盜賊浸息悅來相望我州且駸駸有起色焉卽萬一小警竊發藉此以銷弭姦宄阻絕跳梁則備非常而戒不虞其大造於是州不尤較著也哉工成之日予酬神饗餘舉酒而屬之以詞曰禦災兮厥功惟侈捍患兮厥德既盈歸民力之普存也不識不知而默順歸官紳之胥匡也無怠無荒而靡爭歸疆吏之盡瘁而恪共也亦僂焉俯焉而莫我敢承承萬里而巖咫尺邊徼而隸畿京吾以歸之朝廷也蕩蕩民無能名

甯州城

州治舊在浪廣元至正間遷今地

雍正志

明嘉靖十二年巡按

毛鳳詔檄知州李道全築土城周三里三分高二丈八尺厚稱之

背圓面方無睥睨通覆以瓦立三門東曰順化西曰曾通南曰甯

遠北負以樓顏曰環翠

臨安府志

崇禎十三年分守道程楷改築甯城周

三里三分高一丈五尺清康熙十一年知州嚴敬重修無池

舊志

乾

隆二十八年知州蔣恆建請帑重修五十四年地震城垣盡圯道

光二十九年知州李榮燦重修東城樓並東南城垣咸豐元年署

知州徐震翹重修南城樓門名易以綏遠四年知州盧廷燮督修

西城門六年紳士劉家達李廷杰等勸捐添築土城北建以閣

光緒志

咸豐十年回酋馬如龍犯州洩倒城牆數十丈越一年得知州劉

名世督工修復同治二年夷賊普天辛陷州城燬北極閣光緒十

九年州紳朱學詩等重建

探訪

案民國二年東城樓因民房失火延燒六年重建十一年縣知事楊友棠預防匪亂增築副樓六座並增厚墻垣近尙穩固

明御史州人張鳳翀甯州修城記

甯州古甯海府介於廣西蕃甸之間恃頑憑兇歲苦攻劫正德庚辰春巡撫都御史何公孟春以兵勦定復請文臣知州事警報稍息郡內諸夷錯居舊無城郭難以威遠嘉靖十年監察御史毛公鳳詔志靖南服雖移按三秦猶疏於朝請城列郡甯州與焉會同

知陳君愷以城役上請巡撫都御史顧公應祥慨然允行下其議於兵備副使龔公亨將舉行間巡撫都御史胡公訓巡按監察御史楊公東繼至二公先後一德申重尤嚴檄分守左參政祁公臬兵備副使鄒公輓計度經費督正工役委知州事李君道全相度原隰墾實課工集徒於嘉靖十二年癸巳七月十六日訖功於十四年乙未正月十五日城周五百六十丈無睥睨通覆以瓦啓三門西曰會通東曰順化南曰甯遠北負以樓匾曰環翠巡警有鋪匝城有渠洩疏有竇據高向明風氣蒸陶長垣危閣虎峙龍蟠照映乎山谷墟落易爲金湯榛莽變爲城府皆巡撫諸公運其精神心術太守諸君竭其公敏才力致大功鼎建愈忘其疲李君道全謂紳董郡人授以簡俸書以詒遠

通海縣城 舊爲守禦所明洪武十五年指揮陳鏞築土城二十四

年指揮儲傑改築甃城周二里高一丈七尺雍正志闢四門東曰泰和

西曰慶豐南曰迎薰北曰鎮海池闊一丈八尺深一丈此禦城也

萬曆三十九年知縣楊翹瀛於禦城之南築縣城三面倚山而北

倚禦城臨安府志在秀山之麓築土高厚與禦城等周圍約二里通海縣志清康

熙八年裁所歸縣遂移縣治於禦城五十六年知縣高鎮重修舊志

乾隆二十八年地震雉堞城樓俱圯知縣朱陽詳請修補其制如

故又建照牆於四門之外五十四年地復震雉堞城樓盡圯嘉慶

二年知縣洪文詒率士民捐修二十三年知縣龔正謙重建東西

南三面城垣如舊制北樓加高一層並建北門內六角亭通海縣續志咸

豐六年紳民重修樓牆堞口同治十一年重加補葺光緒光緒十七

年城西南坍塌七丈餘知縣何亮標就地方籌款重修採訪

河西縣城 舊有城在螺髻山下今縣南三里明成化間知縣朱光

正遷今地因民居設南北二樓無垣牆萬曆四十年築土城崇禎

六年署知縣周莫儀改築石城周二里三分雍正志高丈四尺厚丈一

尺竈四門東曰朝陽南曰迎薰西曰聚奎北曰拱極無池臨安府志清乾

隆十六年知縣魯楷捐修二十九年知縣郝敬修補坍塌城牆

道光二年署知縣龔正謙重修四門城樓咸豐十年邑人環城鑿

池以資守禦同治三年紳士王正坤重修城垣堞口光緒志光緒十六

年東南城牆坍塌共三十餘丈西城坍塌三丈餘是年即修築完

善訪探

善義縣城 舊有城在今縣東北二里明正德六年知縣胡淮遷今

地築土城雍正志周一里三分高一丈二尺厚四尺闢四門臨安府志嘉靖三

十二年知縣邵元善建四樓舊志東曰朝天西曰鎮夷南曰來薰北

曰拱辰崇禎三年道光志案一統志作七年改築甃城周一里三分高一丈二尺歲

久城樓盡圯清雍正七年署知縣蔣敦淳重建四樓無池舊志乾隆

十三年知縣劉公鼎請帑重修十六年知縣辜文元重修二十八

年大雨江漲城牆被衝當即申報入於緩修案內咸豐六年匪亂

繚以土垣環城鑿池同治十三年知縣陳宗海率士民倡捐改建

石址甃垣光緒志光緒三年陳宗海復任知縣繼續興工城垣乃備探訪

蒙自縣城 舊無城明成化二十年縣丞陳溥始築土城雍正志周七百

丈關四門置樓櫓東曰拱曦西曰朝嶽南曰凝清北曰通貢臨安府志萬

曆元年巡撫鄒應龍征蠻駐師於此更其門額東果育南時亨西

利禦北養正四年知縣歐陽暉十一年知縣李時用各修一次蒙自縣志

四十三年邑人鹽運使尹廷俊捐貲改築石城周四里三分高一

丈七尺有奇舊志設四門東曰奎壁西曰皐夔北曰禹稷南曰見湖

無池縣志清雍正八年知縣王廷諍重修舊志乾隆二十六年知縣張

準奉文重修改四門東曰仁育南曰阜民西曰義正北曰承恩縣志

咸豐六年匪徒之亂迭遭兵燹樓垣坍塌光緒八年巡道沈壽榕

率官民捐貲並請款重修完固光緒志

楚雄府

楚雄府城楚雄縣附郭

舊有城築於爨蠻雍正志唐時南詔與張虔陀構釁築

楚州城據之即此楚雄縣志後理國段正淳七年壬午道光志案即宋崇甯元年修楚雄城

阮元聲南詔野史

宋段氏時高明量重築在今府西北二里明洪武十六年都

督袁義謂南山高峻近郭據以臨城是資敵也因繪圖以上奏請

拓之御筆一抹適當其巔遂遷今地築甃城周七里有奇高二丈

五尺舊志厚一丈池深一丈五尺設六門古今圖書集成東曰平山南曰廣運西

曰德勝北曰永鎮東南曰德化西南曰仁福上皆有樓後漸傾圮

隆慶二年分巡道任維均重修萬曆二十八年東南圮兵備道孟

醇增修崇禎五年同知寶敬禹增高三尺十五年沙賊圍城金滄

道楊畏知建敵臺十五座堅守民賴以全清康熙五年總兵馬甯

知府史光鑑重修十九年地震傾圮雍正四年知府李玉鉉捐築

南四圍土牆上覆以甍八年知府儲之盤知縣方廷英重修志舊乾隆

五年知縣趙屏晉請帑重修志縣二十五年巡撫劉秉恬請帑委知

縣張斯泉承修三十七年大水崩壞三十九年知縣杜鈞請帑修

築東西北三門外各建月城道光志嘉慶十年西舊城崩坍知縣何懷

道捐修十二年東城樓址崩知府于德裕知縣何懷道捐修十年

知縣何懷道捐修東西門樓及仁福門樓十五年署知縣林樹恆

募修北門樓十七年知縣彭永思募修南門樓二十年知縣張廷

獻募修德化門樓濠寬深各一丈五尺志縣咸豐十年匪徒攻城用

地砲轟破西北城垣十數丈遂爲賊踞城樓垣堞半俱傾圮同治

四年署知府黃紫詔署副將李維述籌款重修光緒志里高五丈

鎮南州城 舊無城明宏治間土同知段梓潼保始築土城嘉靖四

十年知州區元晉增修歲久傾圮隆慶二年知州黃袍重築雍正志設

二門萬曆四十三年知州尹為憲改築甃城周三里高二丈厚七

尺設四門東曰鞏華南曰文明西曰來遠北曰龍泉各有樓無池

鎮南州志明末沙賊焚燬分守道丁繼善重修清康熙八年署知州卞廷

松增修舊志十九年地震傾圮二十四年知州岑鶴重修竝增葺東

西二門樓州志四十年知州陳元建南門樓舊志雍正十年知州王志

曾捐修咸豐六年署知州劉增發增築土牆添設堞口以資守禦

同治間城所為賊陷據鑿附城民田為濠寬二丈深亦如之克復

後略為修葺光緒志縣城建築以來由各區劃分管理如有坍塌即由

各區負責修理至今無紊採訪

南安州城 舊無城明萬曆十五年攝州事通判梅友篁始築土城

雍正志設東西二門東曰長泰西曰永安又設小東門無池南安志崇禎五

年野賊破城巡按御史姜思睿題請改築石城周三里道光志案古今圖書集成作五里有奇

高一丈六尺後漸傾圮清康熙八年知州米璋增修舊志十九年地

震城垣傾壞州志五十一年知州張倫至重修舊志乾隆六年知州孫

必榮請帑重修道光志

礮嘉州判城 明萬曆四十四年御史毛堪建土城周四百丈高一

丈四尺城樓三座南安志清康熙八年裁縣歸州城圮無存雍正十年

總督鄂爾泰題請設州判駐礮嘉廢城十三年巡撫張允隨請帑

委知州孫必榮於大村建石城周一里七分零高一丈腳厚五尺

頂厚三尺五寸設四門門各有樓南門久閉無池歲久坍塌嘉慶

五年署州判丁釗捐貲修補續有坍塌二十年州判周念典詳報

列入緩修案内

道光志

界牌汛城 舊無城清康熙三十九年始築土城乾隆元年巡撫張

允隨請帑委州判羅仰鎬增修周七分高一丈上覆以瓦設南北

二門各有樓無池

道光志

姚州城 姚安府城唐景雲元年御史李知古築土城明洪武二十

一年指揮戴都改築甃城

雍正雅志

廣二里三分高二丈闊三門各建有

樓蓋姚安千戶所城也後改置府及州

姚州志

嘉靖七年兵備道周崇

義築月城於南門外八年知府王鼎重修

舊志

加以甃石增高五尺

州志

三十九年知府楊日贊於南關外加築土城

舊志

高一丈二尺廣一

百三十丈左右建立敵樓四關繚以土垣

古今圖書集成

萬曆間分守道李

忠臣經營上議於巡按潘濬檄知州楊之彬增築照舊拓而大之

周五里三分高三丈五尺設四門建南門樓西南角樓

志舊

題其門

東曰迎曦南曰時阜西曰寶成北曰懷遠其樓匾東曰金碧呈祥

南曰南雲布靄西曰蒼雪凝輝北曰北極連霄濠深五尺闊丈許

引靖蛉水東西入濠其後孔元德再修之清康熙七年知府林本

元

道光志案古今圖書集成作八年知府商永傑

士同知高喬映修葺城樓之圯者州志乾隆二年大雨

城牆坍塌六年北門樓又坍塌知府施坦知州胡驥詳報奉文入於

以工代賑案內興修二十五年知州海樑請帑重修三十五年府

裁改隸姚州於楚雄府城仍其舊嘉慶十三年間有坍塌知州隆

慶捐俸重修

道光志

咸豐九年城陷同治九年官軍進勦施放地礮震

大城垣百餘丈署知州張之彬修葺重建東北城樓因大南門地勢

卑墊夏秋水潦橫流行者苦之改由小南門行走光緒五年大雨

北城有坍塌者知州伍蘭徵修築十年又坍塌知州易爲霖重修

續姚州志

大姚縣城 明洪武二十八年築土城永樂元年千戶洪鈞施宥改

築甌城周三里三分高一丈三尺後紀萬曆四十五年知縣謝於

教重修仍於南門外築土月城惟南門一面有池

雍正志

清乾隆三十

七年署知縣雷爾杰重修

道光志

嘉慶七年地震傾圮十三年闔邑士

民捐修 道光二十六年知縣黎恂重修兵燹後樓垣各有坍塌

道光志

廣通縣城 舊無城明萬曆四十六年巡按毛堪檄知縣蕭維馨築

甌城周三里

道光志案圖書集成作三里三分

高一丈八尺

雍正志

關四門各有樓東曰向陽

南曰南薰西曰鎮楚北曰拱極池寬深各五尺

廣通縣志

天啟元年知縣

劉之範增修明末流寇毀城樓清順治十七年知縣張京奎重修

舊志康熙十九年地震崩壞志林二十三年土巡檢楊士龍蘇顯仁捐貲

續修志舊乾隆二十七年知縣楊文光請帑重修閉北門止開三門

二十八年署知縣張榮倫接修告竣三十三年三十五年三十九

年署知縣張楷王孝治楊奎各以節年收存銀工租穀變價於坍

塌處修補嘉慶六年知縣朱士龍亦以租價修補十二年署知縣

孟楚珍捐貲修西門城樓十三年署知縣張起汶捐貲修南門城

樓二十年以後所有坍塌入於緩修案內咸豐三年城垣傾圮過

半知縣夏家疇修葺繼以賊氛不靖雨水淋漓城樓城牆均有坍塌

損同治三年知縣王錫綸率紳民捐貲續修光緒七年知縣李賓

捐廉重修東門城樓餘多傾圮光緒志

按廣通城年久失修傾圮殆盡民國以來盜匪猖獗始稍修復十五年於北城舊址建闕一座設哨所十處

定遠縣城 明洪武二十二年築土城成化間改築甌城周一里三

分高一丈餘

雍正志

設四門門各有樓東曰清平南曰永平西曰太和

北曰太平池深六尺

定遠縣志

明末傾圮清康熙十二年知縣田元愷重

修東樓存南樓廢西樓亦廢四十年重修

清一統志

五十一年重修雍正

十年知縣唐世樑增修

舊志

同治五年知縣馬培麟率紳民添築城

牆三尺餘寸挖深地濠一丈五尺寬一丈二尺

光緒志

咸同間回曾馬

成麟竊據此數年亂後城牆坍塌已甚踰垣出入如履平地至光

緒十九年始由知縣萬邦法等培修

採訪

澂江府

澂江府城

河陽縣附郭

舊建於繡毬山上明正德十三年知府董璽遷金

蓮山麓築土城

雍正志

厚四尺高一丈周四里許為五門各卷以石樹

之岑樓江志東曰咸和南曰安阜西曰朝天北曰宣武正南一門曰

環玉嘉靖二十年知府周朝俛復遷舊址隆慶五年知府徐可久

始遷舞鳳山麓築甃城周五里三分高一丈九尺舊志厚一丈五尺

有池城樓水洞溝道俱備設四門巡撫鄒應龍題其東曰擁暉南

曰澄波西曰攬秀北曰儀鳳四隅建角樓東南角樓高三層懸鐘

於上相傳鳴鐘於東以制虎山也知府徐可久題曰空中樓閣久

廢西南東北西北三角樓俱漸圯府志清康熙五十一年知縣李不

垣重修乾隆元年知府來謙鳴修建四門鼓樓竝堞口一百八十

一座舊志十五年地震傾圮二十五年知縣車廷桂請帑重修道光志五

十四年地震樓圮道光十三年地震坍塌更甚十九年知府許文

綬知縣楊炳捐建南北城樓二十六年知府李熙齡署知縣李儀

孫高魯捐建東西城樓修補西城垣併周圍堞口澠江府志咸豐七年爲

匪襲據同治九年巡撫岑毓英督師攻勦開挖地道崩倒城垣十

餘丈十一年檄署知府胡毓璠署知縣朱爲雨同把總李占鰲籌

修十二年巡撫岑毓英發款重修四門城樓並補葺各城垣光緒

四年霪雨東北垣圯十餘丈署知府黃金銜知縣王世德率紳民

籌修光緒志

按近省城垣以澠江最完整民國八年知縣事尹彬於梁口外築保險牆以避側射故十四年悍匪圍攻不破

江川縣城 明洪武二十七年始築土垣於今之舊城澠江府志萬曆四十

八年巡撫都御史潘濬拓築崇禎七年因水湮巡按御史姜思睿

奏請遷縣於舊江川驛古今圖書集成檄知府王惠卿築甃城周一里三分

高一丈二尺雍正志爲堞六百二十有九厚八尺門四東曰旭彩南曰

薰阜西曰案玉北曰慶雲池廣一丈深五尺清康熙五十一年奉

文修理五十六年知縣張鐘捐俸補葺重建四門城樓府志乾隆二

十七年知縣劉攜請帑重修二十八年地震崩頽請帑復修五十

四年地震門樓雉堞盡圯道光四年知縣梁嘉蔭率孝廉方正監

生黃爾泰倡首合士民捐貲修理道光志八

新興州城 休納城昔部傍所築元初置部傍千戶尋改爲休納縣

後省入新興州明一統志即今新興州治清一統志州立玉溪靈照之間舊稱在

華蓋山即靈照山也在府西一百六十里明正德二年知州道光志案古今圖書

集成作知府何子奇築土垣廣二里有奇高一丈三尺厚五尺徽州志萬曆六

年道光志案府志州志並作四年知州道光志案古今圖書集成作知府張於京改築甃城周三里有奇高二丈

四尺道光志案古今圖書集成作一丈八尺厚一丈八尺城堞一千二百七十六闢四門東南

曰靈照西南曰鳳凰西北曰棊興東北曰龍馬門各樹樓東曰朝陽南曰來薰西曰閱稼北曰拱極外鑿池廣三丈四尺深八尺崇禎十四年守道程楷知州張尹志增高三尺餘清康熙十年四門城樓圯知州彭蠡改作平房志府四十七年知州任中宜動項重修增堞口志舊乾隆二十六年兩次地震傾圮署知州費達學請帑修補周三里三分高一丈七尺五寸腳厚一丈五尺頂厚八尺八寸設四門各有樓二十八年工竣三十八年被雨衝圯署知州費嘉紹捐修道光志嘉慶七年大雨圯塌十三年知州洪其照修補二十年二十一年各有圯壞署知州江景陽程正均先後修葺其工費分爲五年攤捐還款光緒四年新開小南門建閣於上以象文明額

曰聚奎門光緒志

按新興州東南城垣民國十二年坍塌十丈餘重修完竣十五年於南北兩城外各加築圍牆及碉樓一座

任中宜重修新興州城記

新興州即唐貞觀中所立求州也夷語訛求爲棋世世相傳予博考史傳無棋州名實求州故地也治在滇池南百里介巒峨易門河西江川間土沃而衍民殷以樸雖財賦不敵中原一下縣而於滇則固大州矣歲丙戌予以平彝令移守其地見山川秀傑井里

恬熙心頗樂之及受事而紀綱廢庶務弛城垣殘敗沒於荆莽夫受天子命來治此土城池其所重也邊壤正供外無餘款一旦興大役動大衆取於民則懼擾辦於官則無力此歷載所以任城之舊圯而莫爲之所夫求之有城也不易矣前此爲土築者九漢時

羣蠻各據壘自固相寇盜浸以夷滅閱千餘年而城之存者僅三元因之立普舍研和休納三縣後以休納爲州領二縣明省二縣入州而普舍研和兩城並廢所存者獨休納故墟耳然土砌短垣苟且棲息上不足昭朝廷之規制下不足備牧圉之捍禦明萬曆

三年守道王公績之移駐其地始台臨元激廣四府力整以石甃甌輒其上爲城僅三里五分較舊制擴一分有半高二丈八尺厚如之立雉千有九樓四櫓八版築二年乃就鞏固壯於他州歷百三十有八年積久不治於是門樓先墮前守彭公蠡易以平屋至

今雉堞盡荒頽闕相仍絕無依蔽城下甌石多爲風雨浸蝕嗚呼前之爲城者豈料至是哉豈不賴補葺於後者歟爰因吏事暇日構匠石簡物料募丁夫具灰甌旁取民間遊食子弟做周禮夫征法役之以助撤舊雉之微存者悉易以新闡之缺者隨其曲折補

之屋之殘者內外葺之植取其堅合取其密基取其厚經始於康熙四十八年春三月十一日落成於是秋七月十一日子日三臨視百堵交作攘攘於女牆間者四閱月而工畢計費四百五十金咸取資於贖錢而公帑無所與計工凡八萬九千六百五十人取

給於召募而閭左無所與先是予爲此吏懼動衆或貽口實更進迭諫予不聽毅然爲之而卒有成迄無所議可見天下事無不可爲患吏不振因循委靡耳夫城墮矣官民無所依倉庫無所衛歷朝制置將遂湮於地其勢何能已然及其未甚敝而圖之費猶約

使待其盡敝勞民益多矧新興南有新平嶺峨北有昆陽易門重山疊障峻嶺危巖盜賊之所巢姦宄之所匿自元以來成設兵戍今天子神武布昭烽煙靖息顧安不忘危可以承平而遂罷設險之防乎予漫爲此亦以羣金湯酬祿養期有備無虞上體安不忘

危之意耳安知繼其後者不又有好勞如予取職事所不責而亦漫爲之者哉予繼前人爲於前後人亦繼予爲於後當必異世而

路南州城 舊無城明成化間知州魯厚始於通衢建敵樓四座

雍正志

東曰啟明南曰迎薰西曰長庚北曰拱極宏治間知州龔浩因樓

以築土城後圯隆慶六年知州易龍見重築周二里有奇高一丈

一尺萬曆四十八年知州馬鳴陽重修

舊志

池初廣二丈及流寇入

滇即滇池爲田厥後居民效之春則布種夏則雨水洋溢廣十丈

許

府志

清康熙四十一年知州羅之熊築昌樂堰開渠灌田池濱承

其利

道光志

雍正七年知州楊化元增修城垣

舊志

十一年知府來謙鳴

築護城堤長一百五十六丈乾隆十三年大雨土城坍塌三百八

十餘丈知州李天寵捐修二十一年知州史進爵重建東城樓二

十七年署知州車廷桂請帑重修嘉慶二年知州朱觀光倡率士

民濬修昌樂堰道光七年知州蔣嗣璟率紳士李坤培張實德等

捐貲重修四門城樓十三年地震樓圮二十三年署知州李鳳翬

重修竝於北門外添建照壁一座道光志

按路南城垣傾圮光緒二十年重修一次民國以來復兩次修理

廣南府

廣南府城

實甯縣附郭

在平關坡上

廣南府志

舊有城久廢明洪武十九年建排

柵周四里西南設二門清雍正十年巡撫張允隨委員估勘建築

甄城周四里九分高一丈六尺八寸有池

府志城依山無池

設四門各建樓另

設小南門便民取水出入

府志

乾隆十四年坍塌署知府方廷英知

縣馬珩聲捐修三十年知縣方天葆四十六年知府單光國知縣

劉大鼎各捐修一次

道光志

道光十三年地震坍塌二十二年知府施

道生知縣沈炳倡捐率士民重修

府志

咸豐六年夷匪擾亂樓垣坍塌

塲光緒九年署知府劉春霖捐廉重修城垣堞口十一年署知府

陳之梅捐廉重修四門城樓光緒志

按民國十年以來因迭遭匪患十五年夏曾大加修補並築礮一座於東北隅

土富州城 舊制普廳後移駐版朝清雍正十年巡撫張允隨委員

估勘建城不果廣南府志光緒二十年前富州通判王正雅稟請創建三

十一年告竣採訪

道光志案土富州城舊志載雍正十年巡撫張允隨委員估勘建築甌城周三里四分高一丈六尺八寸東北無池西南以大溪爲池皆當時會議建未行舊志特預載之耳其實未嘗建也今仍舊列土富州城載廣南府志一條而附舊志之說於此

順寧府

順甯府城順甯縣附郭 舊有土府有土城在鳳山東南至明改土設流萬

曆二十八年知府余懋學改築甌城就鳳山爲高下周五里八分

高三丈道光志案古今圖書集成周七百二十丈高二丈一尺 設四門東曰朝天南曰慶雲西曰永定北

曰隆昌雍正志各有樓止開三門西閉不開以固風脈順甯府志清康熙三年

知府米璉建四城樓二十五年南樓圯知府郎廷極修三十年東

西二樓壞知府徐欉修三十八年北樓頽知府董永艾修舊志雍正

二年知府范溥重修舊志乾隆二十六年知府劉靖請帑大修周七

百一十七丈三尺高一丈五尺五寸無池府志嘉慶六年東樓傾圯

署知府張大鼎修十四年坍塌署知府劉彭寬知縣麟瑞捐廉重

修道光五年久雨積潦石洞傾陷牆垣坍塌知縣金澂借支養廉

修葺按年攤扣道光志兵燹後樓圯垣坍塌光緒四年署知府周慶榕知

縣鄧瑤會同守備李發林倡首捐廉竝變賣逆產租穀重修光緒志

雲州城 舊為土州地無城至明改土設流萬曆三十一年知州劉

秉燭築甃城周三里七分高一丈六尺雍正志設四門東曰震生南曰

嚮明北曰承恩惟西門無名亦無樓永閉不開崇禎八年守備王之將於城外鑿池一周寬二丈深一丈年久因雨水壅塞過半未易修濬順甯府志清乾隆五十八年坍塌知州阿勒景阿詳報列入緩修

道光志

緬甯廳城 舊屬猛緬土司無城郭以木爲柵清乾隆十一年改土

設流十四年總督張允隨題請動帑建築土城至十八年始行興工通判頓權董其役周三里三分高一丈二尺六寸上覆以瓦設

四門各有樓無池

道光志

三十三年題准雲南緬甯土城改建甄城

會典事例

通判富森董其役周因舊制增高六尺設四門各有樓東曰景東

南曰鎮南西曰維西北曰永北五十九年東南隅頽署通判張德

基重修嘉慶十八年勦辦逆曰張輔國善後事宜總督伯麟巡撫

孫玉庭請帑委知府楊鎬重修

道光志

魏書卷四十一 雜錄二 第八

之府及國之東也 魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

魏書卷四十一 雜錄二 第八

新纂雲南通志卷四十二目錄

地理考二十二

城池三

清一

曲靖府

麗江府

普洱府

永昌府

開化府

東川府

昭通府

各直隸廳州

東川隸

關外隸

永昌隸

普爾隸

墨乃隸

曲散隸

嵩一

嵩二

嵩三

蘇州府志卷四十二 目錄

新纂雲南通志卷四十二 設益州府二百三十里交太林即天啓

地理考二十二 潯益縣邑天漢潯正平內側至天十三平限其地

城池三

清二

曲靖府

曲靖府城

南寧縣附郭

明洪武二十年築甃城周六里三分高三丈設四

門東曰樂耕南曰來薰西曰勝峯北曰迎恩增設二敵樓於城北

明末沙賊流寇先後焚燬清康熙二年總督卞三元巡撫袁懋功

委員重修五十一年地震復圮總兵楊鯤同府縣官重修隨又傾

圮雍正四年巡撫管總督事鄂爾泰總督管巡撫事楊名時題請

照修理省會城垣之例動公項銀委員重修新建四城樓無池

雍正志

乾隆二年巡撫張允隨動帑委知縣張國祚重修二十九年知縣魏之柱捐廉修理五十二年知府保金重修嘉慶二年塚口傾圮知府熊爵勳倡士民修補七年知府盧元偉倡士民重建四城樓十九年西城坍塌知府宋湘捐廉修補道光道光十二年四城樓復圮知縣陳步賢重修南甯縣志咸豐五年城垣坍塌知府賈洪詔率紳民捐貲修築同治二年爲匪徒馬聯陞襲踞克復後四城樓圮布政使岑毓英檄知府程誠知縣唐湛春重修光緒志

按民國元年東門月城傾三丈餘七年月城漫雨傾二丈餘九年西城東隅傾十餘丈均經先後修復

霑益州城二交水治易陬籠城其先磨彌部酋蒙提居之後大理國

高護軍逐其子孫爲私邑元憲宗五年內附至元十三年即其城

立縣元史地理志交水廢縣在霑益州南二百三十里交水村明一統志明天啓

二年霑益土婦設科叛目李賢陷州城竝據炎方松林交水諸城

分兵四掠官軍討之自交水進為賊所敗三年巡撫閔洪學築交

水城移平夷右所官軍戍守志一統天啓三年參將尹啓易遷州治於

交水建甄城明通志 道光志案舊志作 順治十六年遷州治於此周二里二分道光志案舊志作 二里八分有奇高一丈九尺二右

圖書集成開四門東曰太平南曰河清西曰觀華北曰拱辰各有樓無池

霑益州志清康熙五十二年地震傾圮知州洪其照捐俸重修道光志道光二

十年署知州高環重修咸豐元年知州鄧墀遷廢關帝閣神像於

東城樓上歲時奉祀西南北三樓久圮兵燹後東城垣圮十餘丈

同治十一年署知州趙桂芬勸捐修築光緒二年西城垣圮十餘

丈署知州蔡學鴻詳修九年北城垣圮知州陳燕請款修補續霑益州志

按民國十三年霑益州城垣塌八丈餘縣長向嘉會重修十四年其北城垣又坍塌二丈餘縣長陳錦章重修之

陸涼州城 舊爲陸涼衛明洪武三十一年築甃城周六里高二丈

六尺

雍正志

舊在南澗南永樂五年因水患遷於南澗之北東臨澤河

西倚阜阿洪流帶於南環山枕於北周廻九里許長一千五百五

十丈四尺高二丈六尺厚二丈五尺三寸袤二里五分廣二里二

分設四門各建樓成化六年於正中建譙樓以爲鼎鎮

陸涼州志

清裁衛

歸州移州治於衛城歲久傾圮雍正七年知州吳恩正重修改建

南城樓於西南隅十二年知州吳柄增修無池

舊志

乾隆十二年知

州漆啓銑重修十五年告竣嘉慶二十年知州長年率紳民捐貲

重建東西南三門樓道光三年知州沈承恩復建北門樓

州志

咸豐

間郡城戒嚴知州苑文達捐廉率紳耆俞膺徵邵家駒羅萬年捐

貲修城濬池光緒七年東南城垣坍塌知州劉啓同籌修

光緒志

按民國六年陸涼城垣坍塌風甚熾縣知事楊燻以地方罰金修之

馬龍州城 在東西河之間距府西五十里唐時撒匡蠻焚刺居此

宋盤瓠裔納垢部逐舊蠻而有其地故有盤瓠城之名明永樂二

年建守禦千戶所城即盤瓠城舊址萬曆三十九年知州張鑑始

於城之南建馬龍州甄城徑一里三分周三里九分高二丈有奇

厚一丈二尺有奇城堞九百有奇闢四門南曰迎薰北曰拱辰南

樓曰南辰北樓曰北極東西二門及樓俱未題額無池馬龍州志清康熙

五十二年地震傾圮雍正三年知州黃士傑重修新建四城樓雍正志

五年重修清一統志乾隆三十一年知州葉棠捐修嘉慶二年知州李玉

溪重修道光志咸豐十一年邑人何有保倡修南北城樓同治十三年

署知州黃心渠重修城樓堞口光緒七年西南城垣坍塌署知州

鄧炳堯籌款重修

光緒志

羅平州城

羅雄故城即今羅平州治

清一統志

舊有土城明萬曆十五年

署知州黃宇改築甌城周二里五分高一丈八尺

雍正志道光志案古今圖書集成周四百六十二丈高二丈

門四東曰賓曦南曰阜民西曰浴沂北曰拱極惟北門未開四圍

皆引河水為池寬二丈

羅平州志

清康熙四年知州王鴻勳重修三十八

年知州張含章重建城樓

舊志

乾隆四年知州漆啓銑勳帑重修二

十八年知州張懋均捐修

道光志

光緒二年署知州顧芸捐廉重修

光緒志

按民國二年七年十三年羅平城垣先後坍塌十一丈均由官紳修復之

尋甸州城

舊為府明成化十五年

道光志案一統志州志並作十九年

知府屈伸築土城在

今州北一里嘉靖六年為土酋安銓所破十二年知府劉秉仁遷

於今地築甌城周三里高一丈九尺

雍正志

徑一里三分厚二丈五尺

在川原西北玉屏山之麓引澗爲池開四門各建樓東曰啓明南

曰朝宗西曰寶成北曰拱辰後池壅塞成通徑矣詩句州志清康熙八年

改爲州即爲州城三十一年道光志案古今圖書集成作三十三年知州黃肇新重建東北二

城樓五十二年地震女牆盡圯知州李月枝重修舊志五十九年南

樓火燬州志乾隆三年知州陳齊庶重修四門城樓額其東曰復且

迎曦南曰南薰介阜西曰西成普遂北曰北綍流青二十六年城

垣漸圯知州舒瑞龍捐俸於坍塌處改用大石培補四十年知州

德坤捐修五十七年巡道王祿朋捐修四門城樓嘉慶八年知州

廖映暄盧念先後捐修道光十九年巡道朱士達捐廉重修增高

三尺兵燹後樓垣坍塌損光緒七年巡道崇繕請款重修光緒志

平彝縣城 舊爲衛明宏治七年自厄勒村移衛於此築甃城周二

里有奇高一丈二尺雍正志開四門各有樓又建北樓一座舖樓十八

座無池平糶縣志天啟二年為賊所焚三年巡撫閔洪學檄參將袁善重

修清康熙三十五年改設縣治三十八年知州任中宜重修四城

樓舊志乾隆三年巡撫張允隨請帑委知縣梅瑄梁松齡重修二十

六年知縣鄒越重修道光志嘉慶二年知縣王子音重修道光二十一

年知縣高魯重修四城門樓咸豐五年知縣施仲麟同治十一年

知縣萬銓先後繼修光緒志光緒十五年東南城垣塌二十餘丈十九

年東門塌十餘丈二十三年四門城樓殘圮經知縣韓再蘭賈汝

讓石渠先後修復之探訪

宣威州城舊為霑益州明洪武十一年築土城永樂元年改築石

城周二里三分高二丈雍正志無池嘉靖二十八年御史繆文龍重修

天啓二年陷於賊巡撫閔洪學復修宣威州志清順治十六年移霑益州

治於交水此城爲尋霑營遊擊駐防後漸傾圮康熙四十年遊擊

俞懋德重建四城樓舊志東曰朝陽南曰通雲西曰永安北曰拱極

雍正五年設宣威州治舊志八年知州漆扶助重修傾圮之處州志乾

隆元年巡撫張允隨動項檄知州朱繡重修十年知州梁廷彥重

修城垣竝南城樓十八年知州洪維松重修二十五年署州陳元

震三十四年署州李漢各捐修一次道光志嘉慶十九年知州張槐捐

修城樓道光二十七年知州周廷績率舉人朱光鼎捐修城垣城

樓咸豐三年城垣坍塌知州吳人彥暨舉人孫紹康拔貢李東昇

勸捐重修並增築外堡兵燹後復有坍塌光緒八年署知州凌應

梧請款勸捐改建城樓修築城堡光緒志

知州凌應梧重修宣威城堡記

為政之道保釐而已矣保釐資乎守土守土恃乎設險疆曰邊城維繫不綦重歟州治當黔蜀之衝城垣據宛溫二水名之舊置自前代數百年於茲矣余於辛巳秋承乏斯土值鄰封告警幸內顧無虞然觀此斗大方城棟折椽傾石崩土潰門虛毀焉兼以西南北三面堡牆週環千餘丈當咸豐之歲恃以拒賊而保民者亦頽圯過半遑問保釐云乎哉爰集諸人士乃謀修葺帑金許諸當道鉅貲佐以蒸黎或有以勞民傷財譬之者抑或有以曲突徙薪譽之者皆弗計也興工自今夏遞歷乎孟冬功初垂成余將適去州人士與共勤勞念數百年一舉之不易也屬為文以識之今試憑高以望石龍寶阜天矯突兀峙列於東方者安氏之遺宅猶存乎鎗桿磨盤諸岡西極之鍾靈翼然以接於南北者傳將軍之餘烈猶可想見也抱城之水匯而北注十里隄綠楊賁媚所謂地維天塹者非歟方今聖天子在上率土之民久已涵濡德化胡為海波未平島夷思逞煽惑我士女覬覦我疆宇此宵旰所以憂勞而食毛踐土者亦不能一日忘懷也我宜雖未若迤西之鄰於緬甸迤南之界於交趾暹羅邊為極邊然拖長姑洗二水之外盡屬諸黔逾天生橋二十餘里即為蜀地其時政未敢過問其風土未得周知而犬牙交錯之區爾詐我虞其民情實未易窺測嗟乎在滇言滇我宜非東偏之屏藩乎王公設險以守其國險雖設與不設同為問官斯土與生斯土者安乎不安慎勿曰天下有道守在四夷而自矜其屏藩不之顧也是為記

麗江府

麗江府城

麗江縣附郭

舊為土府無城清雍正元年改土設流總督高其

倬巡撫楊名時題請築土城下基以石上覆以瓦周四里高一丈

設四門東曰向日南曰迎恩西曰服遠北曰拱極上皆有樓又別

爲小西門以便民無池雍正志乾隆十六年地震傾圮知府樊好仁重

修道光志五十八年復圮奉文緩修又同治十二年巡撫岑毓英奏請

改建甌城曾經片奏在案光緒志麗江城垣近以傾圮城中居民甚少

而市廛繁盛俱在城外訪探

知府襄平楊秘建麗江府城記

自昔建侯置守必依山川之鎮特扼塞之形乃可以固內而捍外滇去京師萬里以天下大勢計之邊幅耳而麗江又滇之一隅然其山川之扼塞誠有關於內外之大者麗境東連巴蜀西界瀾滄南臨鶴劍北則直接吐番雪山綿互數千里而金沙江界之所謂

天險也唐宋而降附詔總管代有殊稱沿及有明命木氏守其地義取羈縻我國家聲靈四訖文德覃敷武功遐暢率土內外服教長神木氏仍其職守今上繼治之元年青海流沙歸誠授首藏地悉平中旬內附大司馬制憲高公大中丞撫憲楊公念麗江要地

請於朝改設流官復以余深識夷情謬膺茲任二年春抵郡視事見其民鳩形其居巢附板屋數間晨星寥落不禁慨然謂殘虐凋敝一至於此且地當內外之樞民無城郭之衛常何居而變何以守因條列事宜而首以建城爲請三年春奉旨建築乃延昆明徵

士愷然王君共審向背之勢辨陰陽之宜正方測景諷日興工以孟夏朔日經始以某月某日告成周以丈計凡七百二十高以尺計凡十有二厚視高之三分下廣而上銳基以石覆以瓦環繞以隄開四門東曰向日西曰服遠南曰迎恩北曰拱極皆豎樓於上又

別爲小西門以通橋道而便赴集時屬官之與其力者教授萬威燕訓導于定國經歷姜際昌中軍千總李遇春把總黎有光薛重威何澤沛是役也工計踰幾萬而不困於民財計踰幾千而無與於官贖望雉堞謂可備捍禦而絕窺覲因念昔人有言事不難於

近而難於遠不難於述而難於作慚余何人謬膺茲任所幸聖人御宇萬國翼衛惟茲邊郡遙控諸蠻足以據內外之防示方域之觀庶幾擴藩籬而固全甌於古者建侯置守與各執政經國安邊之圖或無負也工垂集用記始事之意焉

雲南巡撫岑毓英片奏

再迤西麗江府原建土城年久傾壞咸豐六年杜逆倡亂地方失守同治九年臣派記名提督楊玉科帶兵克復時軍務方殷餉需奇絀不能遽行興修現在肅清臣欽遵諭旨妥籌善後事宜行據署麗江府知府屈紹培率合屬紳士稟請籌款修築甌城前來伏查麗江府地處極邊界連西藏所屬五廳州縣漢夷雜處實為要害之區應即如稟修建甌城以衛居民而固邊圉臣現於軍需項下酌發經費飭該地方官紳起日興工如經費不敷再由本地籌捐添補俟工竣之日照部定章程委員查勘出具切結並取造用過工料銀兩細數清冊報部查核所有捐資出力人員核實奏請獎敘其餘修建各屬官廨寺廟書院考棚等處亦分別事勢之緩急經費之盈絀次第辦理以符舊制謹附片具陳伏乞聖鑒謹奏

鶴慶州城 鶴慶府城舊有土城宋段氏築元末圯明洪武十五年

復舊址列排棚永樂元年指揮李成瑩以甌石形制卑隘嘉靖二

十四年知府周集拓地重築甌城周五里五分高二丈二尺設四

門東曰迎旭道光志案古今圖南曰威遠道光通志案古今圖西曰望庚道光通志案古今圖北

曰鎮遠道光志案古今圖上皆有樓北門月城即舊守禦所城雍正志有池廣

一丈深五尺南通青龍潭西北通西龍潭東合流入漾共江古今圖

萬曆二十八年知府祁汝東更闢一門於西徧以便民清康熙二

十九年總兵林葵知府盧崇義同修雍正七年總兵南天祥知府

姚應鶴重修乾隆十六年地震傾圮知府董承焜重修三十五年

改府為州即為州城同治九年代理知州事陳宗舜籌修

光緒志

按民國七年十五年曾兩次修葺築磚樓於四隅以資守禦

劍州州城 舊無城明宏治間知州李文始築土城雍正志在金華山左

麓地震傾圮嘉靖二十二年知府周集議建未果萬曆十二年署

知州李名失築四門城基劍州志崇禎十五年知州林明輔改築甃城周

三里三分高一丈六尺舊志厚一丈二尺濠寬八尺深五尺城內馳

道寬一丈城外馳道寬一丈二尺設四門各有樓東曰嘉靖南曰

拱日西曰金龍北曰拱極清康熙二十七年地震竝城牆譙樓傾

圮鶴慶府志二十九年知州張國卿重修舊志五十一年知州王世貴重修

舊志雍正七年知州李毓元增修舊志乾隆十六年地震傾圮知府董

承焜知州張滋請帑重修道光志道光十一年署知州李恆謙重修四

門城樓咸豐三年西北城樓連災六年署知州何鳳飛重建並添

修梁日十年匪徒壅劍湖水灌城淹倒東南城垣數十丈署知州

陸希曾補修光緒志

按光緒三十年城西南隅復圮數丈逾年復民國甲子匪風甚熾縣長李慎修從事修築煥然一新四隅築調樓四內牆復建哨樓閱六月而工竣邑人趙式銘爲之記

中甸廳城 舊無城清雍正六年設劍川州州判分駐八年總督鄂

爾泰題請委署劍川州知州湯涵州判辜文元築土城周二里設

四門雍正志乾隆二十一年改設同知分駐二十四年同知海米納請

帑重修以後遇有坍塌隨時捐貲修理咸豐三年麗江知府兼署

同知辛本榮重修四城樓兵燹後盡圮光緒志

按民國十年虞縣長銜蒞甸時地方被匪糜爛頗
款以工代賑創築土城一座不五閱月而工竣

維西廳城 舊無城清雍正六年移府通判分駐八年總督鄂爾泰

題請委通判陳權築土城周二里七分有奇設四門雍正志乾隆元年

以後遇有坍塌隨時捐貲修補道光二十六年維西協副將王濤

率士民捐建敵樓九座同治二年城陷樓燬牆垣亦多坍塌光緒志

阿墩子城 舊無城清雍正八年設兵駐防築土城雍正志

瀾滄江城 舊無城清雍正八年設兵駐防築土城雍正志

其宗喇普城 舊無城清雍正八年設兵駐防築土城雍正志

奔子欄格城 舊無城清雍正八年設兵駐防築土城雍正志

道光志案以上四城俱在維西廳界址內今址存

普洱府

普洱府城

附普洱縣

舊屬元江府有土城清雍正七年改設府治巡撫

張允隨題請修築甃城周四里二分高一丈一尺設四門東曰朝

陽南曰懷遠西曰宣威北曰拱極並建四城樓無池雍正志乾隆十八

其年知府岳安

道光志案題名作耀安

知縣劉標重修

道光志

舊制外甃內土四十五年

知縣陳圖改築內外一例用甃嘉慶中三次修理九年知府盧元

偉十九年知府王善愷二十年知府嵩祿各捐貲修理一次咸豐

十一年西城門圯紳民捐貲修葺同治初西逆用地礮圍攻轟塌

城垣數十丈南城門樓均圯四年圍郡紳民重修巡道張同壽易

懷遠門曰昭文兵燹後樓圯垣圯光緒四年巡道許繼衡知府楊

凌總兵李維述以猛野井存礦變價重修未竣七年巡道沈壽榕

知府孫逢源復請款繼修城樓城垣一律完竣十年地震樓垣復

有坍塌光緒志

按民國六年舊皇殿後城牆坍塌十餘丈九年西北隅城牆因火藥失傾轟毀三十餘丈十二年地震雉堞坍塌甚多均先後修復

攸樂城 舊屬元江府無城清雍正七年設府同知分駐巡撫張允

隨題請築土城周三里三分高一丈二尺設四門建四樓無池雍正志

道光志案攸樂同知今裁城址尙存

思茅廳城 舊屬車里宣慰司無城清雍正七年移府通判分駐巡

撫張允隨題請築土城周二里高一丈二尺設四門建四樓無池

雍正志十二年改設同知十三年兼攝同知谷確重修乾隆三十二年

同知張軾請帑改建甄城因舊土城增寬二十三丈高一丈八尺

道光志四十二年同知嚴秉琢請帑廓葺西南二門增築甄城周二里

九分嘉慶十三年護同知孫燠捐修道光志咸豐間屢遭兵燹樓垣傾

圮同治三年士民修復光緒志

他郎廳城 舊屬村寨無城清雍正十年總督鄂爾泰題請設通判

分駐建土城周一里七分高一丈四尺設四門西南有河環繞作

池光志乾隆五十年通判吳潏請款重修他郎廳志嘉慶十九年通判王霖

重修道光志東門曰紫來西門曰由庚南門曰麗文北門曰承恩遇有

坍塌隨時修補他郎廳志

按民國十一年雨水沖蝕大半傾圮現未規復

威遠廳城 舊為土州無城清雍正二年改土設流乾隆十年始築

土垣周一里三分高一丈二尺上覆以瓦設城樓二座無池三十

二年署同知黑光請帑改建甌城周一里五分高一丈八尺設四

門建四樓東曰慶春南曰霽薰西曰肇平北曰廣澤兵燹後樓燬

垣圯光緒八年同知黃紫誥請款勸捐重修未竣同知陳典三方

桂芳繼修

光緒志

永昌府

永昌府城

保山縣附郭

古哀牢地在點蒼山西六日程西北去廣蕩城六

十日程

樊綽蠻書

即今府城唐天寶二年蒙氏皮羅閣所築

滇志

元至元十

五年都元帥段阿慶重築明洪武十五年指揮王眞增修十六年

爲逆酋思倫所夷十八年指揮李觀改築甑城且於太保山絕巘

爲子城

永昌府志今俗呼爲寨子頂者是

二十八年指揮胡淵拓西城羅太保山於城內

周一十三里有奇東南北三隅高二丈二尺四省三之一設八門

東曰昇朝南曰鎮南西南曰龍泉曰安定西曰永鎮西北曰仁壽

北曰通華東北曰拱北鎮南拱北二門外復建子城旁闢二小門

各門皆建樓又周圍建角樓礮樓鐘樓鼓樓嘉靖二十八年兵備

道韓廷偉重築西城增高五尺東南北有濠雍正志深五尺廣二尺有

奇南濠即易羅池之匯流西即山壑爲池各門之外俱跨以橋永昌府志

日久濠壅指揮曹宗岱重濬道光志案府志作嘉靖二十八年萬曆二十八年兵備道華

存禮修濬之後經兵燹城郭樓櫓盡圯清康熙三十九年總兵周

化鳳知府羅倫知縣陳奕同修五十六年知縣冉琪重修舊志雍正

四年東門城樓被火燒燬城牆坍塌乾隆四年知縣張福昶詳請

動帑重修二十年知縣邵榮捐修道光志嘉慶二十二年知府劉彰寬

捐俸重修東南門城樓道光四年知府陳廷煇率士民挖四圍濠

池竝種松於山根箐腳以固其源咸豐四年知府彭崧毓重修城

垣燦口咸豐十年爲西逆所據兵燹後垣圯濠淤尙未修濬府志光

緒二十六年城堞坍塌永昌府羅雇工修之宣統二年城西圍山

之城牆坍塌十餘丈保山縣陳委紳修葺

探訪

騰越廳城 州城明永樂九年置守禦千戶所有土城正統三年為

思任發襲據之沐昂統兵恢復隨失七年尙書王驥征麓川復之

騰越十年道光志案一統志作十四年兵部侍郎楊甯征麓川駐此始築騰衝司土城十

二年道光志案一統志作十五年兵部侍郎侯璉改築甯城周七里三分高二丈五尺

雍正開四門各建樓州志東曰霑化西曰永安南曰靖邊北曰溥潤嘉

靖二十九年兵備道郭春震始鑿池舊志各闊二丈深丈餘州志其西

北磔石以通山泉舊志隆慶二年築月城於南門高一丈六尺廣三

十二丈州志清康熙五年知州王律重修舊志乾隆四年知州吳若哲

重修七年大雨城牆崩壞八年復有坍塌州判朱汝璇先後修補

十三年南城坍塌知州唐世梁捐修三十六年重修南門月城四十九年知州朱錦昌重修嘉慶中三次重修二十三年大雨東北城坍塌知州伊里布捐廉修理二十五年改設直隸同知道光三年改屬永昌府城因其舊道光志七年同知廣譽補修同治間爲西逆盤踞官兵用地礮進攻垣多坍塌十三年同知吳啓亮補修光緒二年駐防蘇開先叛據總兵丁槐等以地礮傾西北一角事後知州吳自修重修三年同知蔡信義續修四年同知陳宗海倡捐重修東西南三城樓新建北城樓永昌府志十三年南城崩陷一方由總兵丁槐請款修復十九年西城崩陷一隅總兵張松林請款修復採訪

案民國以來城牆樓台並坍塌不堪磚石亦聽其散失十四年干崖野夷叛變道尹湯希禹縣長李映乙倡議募捐萬餘元乃將南城樓修復舊觀云

明侯璉新築騰衝司城記

仰惟皇上續承列聖嗣登寶位四彝八荒莫不梯山航海稽顙稱臣述職納貢書曰萬邦黎獻共惟帝臣易曰聖人作而萬物覩正茲時也越五載麓川酋首思任偵邊守綏馭遂肆偏強戕奪犬豕侵軼疆場蹂躪瓊瑤雲南守臣以聞上乃勅廷臣曰蠻彝禽獸可

以中國道理處自古但編廢而已復申命守臣謹封域戒斥埃嚴備守需招徠俾賊去逆効順轉禍爲福仍守彼土庶全草木命實皇上好生之德同天地之涵育不忍加兵蠻彝者誠以兵凶戰危一脈境壤脅從罔道殃及無辜也茲茲思任負固恃險執迷頑梗

愈作跳梁螳聚蜂屯乃捕我南甸乃突我干崖乃犯我騰衝叛費弗庭適守帥孫以事聞上軫念邊民悉吾赤子遣賊荼毒匪加兵殛之得以狙獾獷悍不可拊也上不得已出師命兵部尚書王驥行便宜事總督戎務定西伯蔣貴充總兵簡偏裨統虎賁羽林驍

騎各鎮士馬十有五萬徂征之分路進寇窮擄賊巢設奇制變鼓譟齊鳴士氣勇左右夾攻斬殺賊孽噍類無遺賊既敗馘惟子思機狼狽夜遁潛匿孟養時正統辛酉十有二月十三日也凱旋獻捷朝廷嘉之凡同征將士陞賚有差迨壬戌七月上以麓賊平

甯迭更參贊戎務用靖邊彝時兵部尚書靖遠伯王公復總軍旅仍行便宜事節制雲南諸司偕前總兵都督沐昂同進泊雲南方

面官僉謂騰衝去鎮二十有二程山川限隔險阨懸絕彝獠環處甲於西陲實諸彝出入要害地舊有千戶兵防禦力不支而賊竊襲今復其地苟非鎮靜曷克恬遠彝固疆圉垂永久哉乃請於上可其奏改立騰衝軍民指揮使司調都指揮李昇控守以兵乙丑

十月秋官楊公代邁參戎務奉勅偕總兵鎮守官黔國公沐斌等帥雲南將士萬五千築城故址乃數度地理民數教士卒築方城周匝七里三分匪棧匪博容民居也前昂後偃因形勝也可規可萬使守戍也丙寅十月礎再奉勅統兵五千用砌城垣然兵燹草

創輒料艱就乃與都指揮李昇教將士鑿石城西山踞七里去地盈尺得石堅美用工寡成就多殆非人力強作實天道保民默造耳第匠作未備工促三月窳考四門臺高二丈五尺洞闊丈四尺高丈六尺邃七尺廣十二丈與城稱越明年丁卯總兵官黔國公

沐斌鎮守左監丞郝甯參將都督僉事方英偕礎奉勅統兵萬五千駐操騰衝振敷威武復調木邦緬甸千崖隴川芒市彎甸鎮康彝兵涉金沙江進孟養令伐賊於時率領士卒雲南都司指揮李昇李友李福楊濬司韶給足軍餉布政司左布政賈詮按察司副

使鄭容僉事張清因遷暇日復督將士修城垣築伊域甸屯田斯役也總帥諸公綜其事方面諸官董其務將土工師力其役值天日冬霽瘴候頓頭人心協和樂趨事工罔覺倦苦建城門樓四座高四丈有奇廣六丈四尺重簷三滴三間轉五互三十八楹劇用

材木榑楠豫章悉域此三十里皆蠶直精緻城墉四面連雉高二丈五尺復劇西山古石包城經營是歲庚戌月己酉日落成戊辰年甲寅月甲午日然而樓櫓琴麗樓臺蠻狄之觀瞻城池高深保軍民之無虞誠足壯封疆士旅之氣奪彝醜窺覘之心矣既而賊子

就擒邊氛靖息民庶安堵班師振旅留兵戍守將告厥功咸謂予宜述大概始末命工鍊石以紀歲月云

永平縣城 明洪武十六年指揮雷松立木為柵跨銀龍江之上二

十六年道光志案府志作二十八年指揮時瑀改築甃城周三里三分高二丈有池雍正志

廣二丈深五尺永昌府志先是江流貫城南有水洞每值水涸竊盜乘以

出入萬曆間兵備道華存禮濬東西濠為河改水分流城外會於

城南砌塞水洞為牆舊志後河水泛漲不循河道橫流城中民居官

署淹沒無存因遷縣署於南門外大河之西城郭遂廢乾隆二十

四年巡撫劉秉恬題請委知縣魏成漢改建西山之麓周三里三

分高一丈四尺設四門東曰向日南曰文明西曰永定北曰朝京

以銀龍江為城東襟帶西南北無池三十三年署知縣宣世濤重

修道光志咸豐八年為匪攻陷垣堞全圮永昌府志

按縣治遷移曲欄以來向無城垣近因防匪築碉堡四座

龍陵廳城 龍陵縣治初無城自清乾隆三十五年置官依山帶水

建署列市城雖未築有天然碧玉城之景焉同治壬戌間南甸地

之江東野匪倏入境騷擾有邑清庠生趙廷颺者維持桑梓始倡

修城築土為牆而城粗立焉就三元橋建礮樓一座以防東隅要

路傍街子坡建礮樓一座以扼北道咽喉東自東關順小東山腳

過文昌宮南繞參署即今縣署後逕接西斜挂西嶺俗名大坡頭西北走趙氏宗

祠順二甲村落北上接街子坡礮樓交東關面積縱橫約四里許

雖屬土城亦資防守今經六十餘年之風雨坍塌幾盡探訪

開化府

開化府城 文山縣附郭 舊無城清初設府康熙七年知府劉訢始築土城

覆木爲檐樓櫓悉備周四里三分以盤龍河爲池雍正志乾隆八年總

督張允隨題請委知縣朱興燕改築甃城下基以石長七百二十

八丈高一丈八尺周圍四里一分設四門東曰鎮秀南曰薰阜西

曰威遠北曰望華開化府志二十六年西城坍塌知縣伍澤概捐俸修補

嘉慶元年知縣史紹登請帑重修二十年以後陸續坍塌歷任知

縣荆烜游朝佐林大樹彭大僂先後詳報俱奉文緩修道光志道光十

年署知府安平同知劉肇紳知縣丁嘉業修葺同治元年北城樓

燬於兵十二年知府陳廷珍籌款修復並疏濬各涵洞光緒九年

知府傅鳳颺先後請款重修東西南三城樓並城垣堞口未幾西

南垣後圯十餘丈鳳颺續修光緒志

按民國三年西南城傾六十餘丈知縣范修明撥款現金一萬二千餘元修理民國七年南城內牆傾八丈餘縣長秦康齡籌現金四百八十元修理十七年西城內傾三丈餘縣長董麟撥現金二千五百元修理十九年西南城傾二十餘丈縣長李郁高撥團

費粟洋二千六百
四十餘元修復

安平廳城池無

東川府

東川府城

會澤縣附郭

舊隸四川有土城清康熙三十七年改土設流三

十九年知府王永璽重築雍正四十年知府蕭星拱以土城空曠難

守乃於東門截築土城退三十餘丈東川府志雍正四年改隸雲南九年

總督鄂爾泰巡撫張允隨提請委知府崔乃鏞改築石城周三里

九分有奇舊志高一丈八尺府志設四門東曰綏甯南曰藩甸西曰豐

昌北曰羅烏水洞礮臺樓櫓悉備無池舊志乾隆四十年西北城圯

塌知府陳孝昇捐修嘉慶二年東南隅坍塌東西樓亦有損壞知

縣宴由庚請帑重修二十一年西南隅坍塌署知府福宁理知縣

文達詳請率郡人捐修續東川府志道光二十四年樓垣坍塌知府李德

生知縣黃夢菊率紳民捐貲萬六千餘金一律重修完固城垣加

高三尺同治十年大雨西南北城垣坍塌二十餘丈闔郡捐修光

緒六年四城樓傾圮署知縣秦述先籌修光緒志

按民國十年東南隅坍塌二十餘丈二十年東隅倒去十餘丈南面倒去十餘丈均先後捐款修復

巡撫奉天張允隨東川新建石城記

東川巖邑也在萬山中東界黔西通蜀北隣昭通南接尋甸蓋三省之要害也歷漢唐宋元明屢煩征討叛服不常我朝仁漸義

摩率土向化士會祿氏願削土職同於腹裏然環土為城與牛馬牆等猝有緩急不可恃以為衛鳥聚星散民實苦之夫聖人立制

所以定萬物之命而建萬世之基易著重關擊柝書稱慎固封守詩美築城伊城月今仲冬坏城郭戒門閭渠邱城惡春秋讓之故

雖有山川之險斥堠之嚴必高其墉濬其濠謹其筦鑰啓閉間遇寇攘先郊野之衆可以入保斯民無鋒鏑之憂國有金湯之固

也東川自康熙三十七年改土為流然猶隸於蜀蜀以其僻且遠因陋就簡城猶仍土鳥之舊今上御極之四年改歸滇省於是正田賦定課程勸農桑清姦匪次第舉行民有起色八年秋烏逆叛遂窺東川土城庫不可恃民恐甚幸獲保全而石城之建不可緩矣請於朝報可九年春三月涓吉因舊土城址登以甃石鳩工庀材凡一年告竣周六百九十九丈基厚一丈三尺高一丈二尺加梁五尺餘門樓四各兩層高二丈七尺礮臺八四門東曰綏甯西曰豐昌南曰藩圃北曰羅烏總制大司馬鄂公題執事者繪圖請記於余余曰壯哉是城南倚靈壁北臨漫海東跨雲弄西北控金沙具江山之勝而又馬書弩革諸峯環抱拱向城無論大小要在得地利資控禦耳守是城者當仰體聖天子眷顧邊疆覆載無私之意養民以田里樹畜教民以尊君親上修其武備作其忠勇

城雖三里勢逾百雉東足以捍黔西足以衝蜀南顧居全滇之吭北眺作昭通之臂屹然爲三省屏蔽甯特保障東川一郡已哉是役也役匠六萬九千役夫一十二萬所需甄石竹木牛車輓運諸費甚夥計用帑銀三萬二百兩有奇物備而功多力勤而勢固董其事者知府崔乃鏞與有勞焉例得書

巧家廳城 清雍正十一年守備李成經歷盛朝建木城周一里三分

乾隆十一年會澤縣知縣許肇請帑改土堡周因舊制高一

丈二尺歲久坍塌二十五年知縣王壯圖請帑重修

年設同知一員分駐議改建石城未果

咸豐八年同知黎新德倡捐新建石城周三里三分因經費不敷上築以土設五門惟東

西北有樓

光緒志 按巧家自嘉慶十六年與會澤分治始設二府經部二府翔籌款建土城一座日久坍塌同治六年土紳以太平軍過境之蹂躪籌集巨款另建高八九尺不等之石城垣其上築以土牆

知府崔乃鏞創設巧家木城記

東川府治西北四百里爲巧家地今爲木城於龍格設經歷司治之營制有守備司部等官兵以六百計此雍正七年改設也先是議爲縣治名曰會澤從前守黃請也雍正六年建議得報可旋以巧家地僻遠而建制無形勝可據且緣糧賦戶口零落荒蕪難爲

市邑復請移縣附郭外易經歷司分防焉雍正七年乃定議遷次歷四載官舍未置而功費悉耗於前令及前經歷八年庚戌烏蒙叛勾連東川祿良珍蘇八十等附之爲亂巧家涼山祿秉忠等亦猖獗弗戢官兵既定東川以巧家山箐深險搜祿良珍等不獲爾時帥師競欲倖邀功賞殺戮無辜獨遊擊區明議主招撫謂米糧壩屬苗民並未從逆如之何使玉石俱焚也然當時且以區明爲縱賊將委罪焉會捕者獲諸逆會於他處而區明乃免巧地既殘燬於兵其未就之房署塘汛貨值既難復問而已就者盡付於烽燧之一燼是巧地之創建始壞於因循繼墮於喪亂此適觀厥成之所以難也竊以巧家一隅耳而周環數千里東卽府治西隣會理南接建昌北控永善夷窟也實險地也方東川未歸滇轄自雍正五年以前巧家爲伙目祿日昇管屬與魯甸隔一江常爲賊鼎坤所侵襲燒殺擄掠年無虛日巧家雖有地可耕亦無人民久矣蜀中當事不能謀東川府之官署城池又何暇計及於巧家乎土著老夷咸稱東未改土之時巧家富庶甲於者海阿旺則補此說余獨不以爲然巧家四面環夷刀弩搶劫數千載相沿習自烏蒙祿氏與東川祿氏互相侵殺未有已時民生其間安得相生相養以優遊於耕鑿無虞之天乎然則此時之山川土田自魚鳥蠶叢而後另爲面目而任使者之勞實巧地之幸也爲今之計開田畝集農氓勤種植課耕桑修道路嚴宵小謹防衛峻稽查漸教化當不在建置之後而建置要未可緩以會澤縣知縣祖承佑詳請獲允置經歷司署二十六間右軍守府署三十三間千總分汛者那安機租署十六間把總署十六間兵房一百五十間木城周圍一里三分相地督工則署經歷盛朝也守府李成典署經歷又建萬壽宮開帝廟土地祠一時並舉不敢頽靡以踵前車守備李成又修治演武場一區而阿白糖汛千總周發湯實有勞焉經始於九年落成於十年十一年爲地震傾圮祖令又詳請建復經歷守備專督修葺十二年始成祖令曰巧家東川要扼也數千年荒蕪之土一旦有民有兵有官司有治防有城有署建創之艱不可以略而不傳請爲文以紀之余唯唯則告之曰巧家之治否視東川尤視隣境如昭通如會理得甯謐無擾則巧且易治而尤在文武之經涉斯土者毋爲一時之苟且辛勤爲治相繼而勿懈則巧且漸歸於樂土矣夫治夷地者戒貪黷而做逸豫洵要務也哉爰命鐫諸石以告來者是爲記

昭通府

昭通府城

恩安縣附郭

舊名烏蒙隸四川爲土府治有土城清雍正五年

改隸雲南設流官十年巡撫張允隨題請委知府徐德裕於龍洞

山之陽築甌城周四里九分高一丈七尺設四門東曰撫鎮南曰

救甯西曰濟川北曰濟馬水洞礮臺樓櫓悉備引渠為池雍正志嘉慶

二年知府鞠字椽捐修道光九年總兵周長安知府董國華捐廉

修補道光志同治七年知府英文率紳士籌款重修規模粗具光緒四

年知府吳怡補修八年總兵鄧日勝會同知府景維知縣呂調陽

率士民籌款重修光緒志

按民國十八年一月九日夜北門城樓失慎將樓燒燬尙未修復城牆因迭遭兵患亦多坍塌

鎮雄州城 舊為府隸四川為土司治有土城清雍正六年改為州

隸雲南九年巡撫張允隨題請委知州李至築甌城周三里八分

高一丈三尺樓櫓水洞悉備無池雍正志開四門東曰肇有南曰文德

西曰慶豐北曰沛澤乾隆二十五年攝知州宋允清改修石城廣

廓仍舊易肇有門為肇慶文德門為啓文慶豐門為寶成沛澤門

為拱辰鎮雄州志同治四年城陷於苗匪垣毀過半五年署布政司岑毓

英督兵攻克發款重修以西北曠而難守縮城牆數丈添築礮臺

二座新建南北城樓南曰啓文北曰迎恩光緒志

按其南門在州署前之左與北門相對光緒二十年州人惑於風水改修署前之右工不堅固民國十四年勢將圯乃拆去新修之東城一段亦有坍塌之勢十九年商會籌款修復

彝良城 在州西二百八十里地極險峻為昭雄咽喉改土設流時

擇平壤暫立木城鎮雄州志清雍正九年州同徐炳捐建木城乾隆九年

州同顧楠改築土城周二里二分高一丈一尺設四門各有樓無

池道光志二十九年州同汪浩存添建南城築土垣州志同治五年署布

政司岑毓英發款改建石城光緒志

永善縣城 舊屬烏蒙地無城清雍正六年設縣治九年巡撫張允

隨題請委知縣杜思賢築土城周二里六分高一丈二尺無池

雍正志

乾隆二十五年知縣游方震請帑重修五十六年知縣邵倫清捐
修南北二城樓咸豐五年知縣汪元卿倡捐重修同治中城爲太
平軍所燬十一年遊擊劉奇義會同知縣孫逢源以土城難守稟
准勸捐縮小舊址改建石城未竣知縣安寶宸等繼修閱八年而
工竣計費一萬八千餘金設四門東曰蓮峯南曰迎薰西曰挹爽

北曰承恩

光緒志

案近來縣人士更於女牆內分築礮臺短垣以便射擊而城垣則鞏固如昔

敦都汛土城 周一里三分高一丈一尺設四門有樓無池清乾隆

二十五年與縣城同修

道光志

大關廳城 舊屬烏蒙地無城清雍正九年設府同知分駐建木城

於府北二百里之雄魁腦十一年巡撫張允隨委糧儲道黃士傑

相度地勢定議建石城於雄魁腦南十里之養馬壩有險可憑而

水源足恃城基周一里九分雍正志設四門各建樓東曰景雲南曰昭

德西曰擁翠北曰安化無池道光志道光十八年同知姚延之督同武

生譚兆紳叔姪捐修同治七年同知陳廷珍以軍務不靖新建石

礮四座以資守禦十一年同知黃士穀籌修城垣光緒七年同知

周瑞璧重修西城樓十年同知廖世清遊擊馬銘重修東北城樓

光緒志

同知滄陽張坦新建大關石城記

大關為昭郡分防地東接鎮雄西連永善北達四川筠高兩邑形若縱帶縣互將五百里聖有硬底紅蛇之險嶺有雪山關腦之雄加以黃水老里渡鹽井諸河奔流繞注於其間此誠滇蜀之咽喉而控制所必先也世宗憲皇帝御極五年烏蒙易土歸流陞任總

制大學士少保鄂公特題通判分防重撫綏也顧舊治設在雄魁八年夷變更以通判駐魯甸而於大關增設同知當事以舊治之燬於兵而水源缺乏也議改定城基焉而總鎮徐公始創移建養馬壩之議久而未決經總制大司馬尹公巡撫大中丞張公更委

遼東道今陞粵西觀察使黃公新太協今署開化鎮崔公郡太守徐公復行會勘而議始定大方伯陳公念夷疆要地詳建石城為鞏固萬全計發帑委辦尅日興修余奉檄經營度始隨高下形勢所宜平淤濬芟草萊定基一里九分周圍三百四十二丈厚一丈

二尺頂殺之城身崇一丈連女牆雉堞一丈五尺有奇關四門東曰景雲南曰昭德西曰擁翠北曰安化門臺加城高三尺臺上俱綵樓五楹咸高二丈四尺是役也用丈石以數千計甃數十萬計灰斤百萬計匠夫供作十萬計而車牛石腳之僱運不與焉於

雍正十二年七月十五日動工十三年九月朔日訖工相助經畫者為今左營遊戎蕭公而董率規理身任其瘁者則鹽井渡巡檢王子名景周之力獨多云落成之日余及同城僚友攜酒榼登西城樓開軒四顧見玉屏倚後河水潏前向之所謂蔓草荒煙者曾

不復觀而樓堞參差儼一雄關巨鎮矣余因之重有感焉大關為烏蒙邊鄙地向隸土司祿氏時雖守職羈縻勿絕而夷人恃其險阻工盜劫習剽掠漢土之民入而不可復出者比比也今聖天子神武遐宣無遠弗闢使千百載蠶叢崎阻之區慕化歸誠建關晉

守襟帶河山成我捍衛是足以握流蜀之樞而永消反側矣斯城之設顧可忽乎哉爰紀其顛末勒之於石使後之司土者有所考焉

魯甸廳城 舊屬烏蒙地無城清雍正九年移府通判分駐巡撫張

允隨委員估勘建築土城周二里一分高一丈無池雍正志乾隆九年

通判金文宗請項重修二十三年通判方綽捐修道光志兵燹後垣多

傾圮同治九年署通判盧德裕籌修改建城樓東曰懋昭西曰挹

爽南曰來薰北曰留靑光緒八年通判蕭仁愷捐廉重修光緒志

按光緒二十年二十七年經通判羅雲籌郭殿藩先後修理現已倒塌不堪

各直隸廳州

景東廳城 景東府城舊為土府無城至明改土設流清康熙十五

年始築土城於舊衛城之南雍正志在玉屏山麓景東廳志周一里設四門上

皆有樓按景東廳志設東南北門乾隆元年掌印同知徐樹閔修築東北角城垣四

十餘丈周圍俱蓋甃瓦增建四門城樓礮臺無池舊志案廳志雍正十一年同知徐樹閔奉文修葺拓城四丈東

北二門甃以甌石二十五年改為直隸廳城道光志

按咸同間兵燹城傾民國十六年知事夏怡潤重修東門建樓於上

蒙化廳城 蒙化府城明洪武二十三年築甃城周五里三分案府志作四里三分

計九百三十七丈高二丈三尺有奇設四門上皆有樓雍正志北門環以月城蒙化府志清

康熙二十六年同知陳文成重修舊志三十年霪雨城崩傾三十三

年署知府徐欏捐修三十四年西城傾圮城洞壅塞同知蔣旭捐

俸修濬池深一丈闊三丈志府乾隆三十五年改府為直隸廳即以

府城為廳城五十一年同知黃大鶴重修嘉慶十一年雨水淋漓

坍塌同知色克精阿攤俸修理十六年復有坍塌同知慶瑞請修

續蒙化廳志道光二十八年以罰金修四城周圍增高五尺餘丁巳之變

文筆樓燬於兵承平後四城樓多有坍塌光緒初同知夏廷燮重

修探訪

督學汾陽曹錫齡重修蒙化四城樓記

乾隆丙午冬予學政事竣適黃公修蒙化四樓次第落成郡人士請記於予予觀公之蒞蒙也歷歷惠政指不勝屈而城樓之修尤有係於保障此固不可以無記蒙介滇西鄙唐宋為蒙段雄據之區明洪武初始隸版籍環之以城而樹四樓以鎮之國家修養生

息百餘年刁斗無驚宰斯土者補苴代不乏人然塗澤其貌風雨摧殘不幾年而傾頽抑又甚矣公以江左名儒膺二千石凡有裨土風有關民社者熊軾所經靡不加以修葺而况金湯之重歟公於甲戌率吾晉之大同時家大人告假在籍予侍側因晤公會垣

僑寓越二十餘載予視學滇南公亦再守蒙陽政通人和百廢俱舉此城樓之所以切於修乎萃兩載之農隙朽者易陳者新堅其棟宇密其窗隙丹堊其牆楹赴公旬者馨鼓弗庸秉耒荷鋤欣然登高而臨深不旬日而嚴嚴翼翼樓以次告成憶予星輶兩經登

城眺覽翠虬文華拱伏於東南則猶龍仙氣隱現於雲煙出沒之表西環以瓜蒂之江蓮花之麓而北則萬里瞻雲穆然動白日長安之思山川之奔赴陰陽所和會無不萃之於樓然則斯樓之修也壯千秋之帶礪庇萬家之煙火豈第遊目騁懷登高憑眺之娛而已公不傷財不害民煥然而振興之於戲盛矣夫南樓思庾亮北樓懷謝公古之人流風餘韻往往令人景慕於百餘年之後矧賢侯之澤保障生民者其又何可忘予不敏特述其大略如此質而不文記實也公名大鶴號南村江蘇通州如皋人

永北廳城

永北府城舊爲北勝州明洪武二十五年

道光志案一統志作二十九年

指揮

王佐築石城周五里三分高一丈六尺設四門

雍正志

門各建樓環以

水濠

舊志

正德間地震傾圮兵備道平世用重修清康熙五年士民

重修三十六年總兵馬聲知州胡挺松增修

永北府志

改題東曰挹翠南

曰威遠西曰竇雪北曰安阜

府志

三十七年升爲府遂爲府城雍正

六年知府馮光裕重修

舊志

十三年署知府江嶠孫重修乾隆五年

署知府管學宣奉文重修

府志

十五年堞座坍塌知府岳安動支官

莊餘穀變價銀修理三十五年改府爲直隸廳城仍其舊凡有坍塌

俱各隨時捐貲修補咸豐二年樓垣坍塌同知熊家彥率土司

重修兵燹後城垣復有坍塌同治十二年同知郭時郁督同土司

增修城垣

光緒志

總督王繼文重修北勝州城記

滇古百濮國也極天下之西南北勝州又極西偏之地孤懸江外界接吐蕃誠有抗吭拊背之勢焉按志稱戰國時為白國地歷漢唐宋元明或為北方賧或號成紀城或稱北勝州名號各殊而屬治亦異自我與朝定鼎奄有遐荒聖天子神武布昭歷鑑前代之規法期盡善初屬大理後裁瀾滄衛併州及直隸又易協為鎮蓋所以重邊疆也城自明洪武二十九年始築濠始通計周五里三分高一丈六尺正德中地震官民重修迄於今歷百餘年城漸頽濠漸淤不城不濠捍牧圉之謂何也予叨荷皇恩節制滇黔農桑學校凡有關於民生者靡弗兢兢籌畫矧修城郭奠民居視他政尤為急務而北勝較他州尤為要地乎先永北鎮馬君駐節於茲目視城剝濠涸即以修濬為請余因深嘉其急公愛與撫軍石公提軍偏公同捐俸首倡暨監司諸文武亦各有助馬君不憚勤勞日僭州牧胡挺松為之督率鳩工駢力興作就城故址壞者葺之缺者築之四門昔無堞樓今皆創之造之城濠年久淤塞今皆疏之濬之於是升其城惟見築之登登剝塵馮馮垣墉崇也城樓翼翼堵堞巖巖疆圉固也濠溝洋洋蓄水盈盈保障雄也俯視人民烟火稠密儼若星羅而棋布也遠眺山川烏洞桑園恍如屏左而藩右也猶歎休哉其所以為邊防計者罔弗備焉憶昔南仲築城於朔詩人頌其豐功仲山甫往城於東吉甫獎其偉績而況在要荒所關尤非淺鮮也雖曰仁涵義育之世衆志如城所恃固不在此然君子之思患預防為陰雨綢繆之計者奚可略耶官斯土者承流宣化動恤民隱不必別有所創也苟因其舊而時加修焉濬焉則捍禦蓄洩之方實與政教相終始將見邊陲永遯謐謐湯永壯山河詎不偉歟易曰容保民無疆書曰明作有功懋大成裕為民牧者可思厥職矣是役也經營於丁丑孟春而告或於仲夏故偶記數言於碑陰以為後世之司牧者勸

知府馮光裕重修永北府城記

滇郡邑八十餘金沙江捍其外獨茲郡又處江之外循郡治癸甲向數百里通外彝接木里是茲郡視他那要矣勝國時治曰州昭代仍之康熙甲戌始設鎮已卯始改府相扼塞故也城不增廣袤濠不加竊深限形勢故也然而屹如崇如則所當急矣康熙乙亥前牧胡公暨鎮戎馬公肩修築之任迄今歲陽四紀牧守八更無復有爲禦暴保民是問者直傳遞已耳抑因循已耳垣墉敲傾睥睨崩沒敵樓穿漏又此郡之人惑夫形家言任其蒙茸叢而蔓延彼俱爲故然矣余以前歲嘉平蒞茲郡閱視之下喟然曰金湯之闕也設險之謂何保障之棄也守土之謂何爰下教屬吏耆老而計之費出諸努力役之民時乘其隙材伐於林爰諏爰詢僉曰可矣余曰乘隙是矣役之民者予之食伐之林者予之值出諸帑則不惟匪易亦余之心匪安今聖天子爲天下人民久遠計樂利計宵旰甚矣余一需次令耳三歲中凡四遷守茲土卽余之責也匪異人任也費出諸帑是必待上聞宸聽矣又必待報可曠時日矣且永瘠土也居人士屬吏輩饕餮之不給又安庇厥工其捐余俸以竭蹶囊乃事上不費經儲下不擾里閭庶乎余心之所安工料有值力役有食攻不待子來定不待方中矣遂定議於客歲之冬儲材用時糧糧糧戎柳公聞斯舉也善斯舉也曰余備任封疆有同心也當與共也經始於今年正月初八日落成於今年三月二十日凡用坊人七百四十七梓人四百九十七力役之人四千九百五十四聖人治人陶人石人稱是陶器約五萬六千有零蓋瓦級輒是也材具約二千有奇楹檣板檻是也以鈞計者治以丈計者石以銖兩計者聖雉堞崇宏樓櫓森嚴堅其基濬其池以儲甲卒以禦暴客以固邊圉儼然一巖疆哉

鎮沅廳城 鎮沅府城舊爲土府有土城周一里三分清雍正五年

改土設流知府佟世蔭重修無池雍正志乾隆三年改築石城周一里

九分高一丈三尺設四門建三樓南北二門無樓三十五年降爲

直隸州遂以府城爲州城嘉慶十五年坍塌奉文緩修道光二十

一年併縣升廳移駐恩樂縣城道光志

新撫城 舊無城清乾隆三年鎮沅府知府張坦建土堡一座周一

里一分高一丈設南北二門各有樓無池

道光志

恩樂縣城 舊爲土司治有甃城周一里三分清雍正四年改土設

流爲恩樂縣治五年知縣宮爾勸重修無池

雍正志

道光二十一年改

知縣爲經歷移駐舊州城界內

道光志

廣西州城 廣西府城舊爲土司治無城明成化十四年改土設流

知府賀勳始築土城隆慶五年知府戴時雍改築甃城周四里有

奇高一丈八尺設四門

雍正志

建四樓無池

廣西府志

明末沙賊焚燬清康熙

三年知府萬裕祚同屬州重修且加高焉

舊志

周九百一十二丈加

高五尺重修四城樓

府志

二十四年知府高起龍增修三十一年地

震傾圮雍正八年知府周埰重修四圍垣牆三百餘丈竝東西南

三門城樓

道光志案府志作康熙五十九年

乾隆元年因設錢局請帑重修增高垛口三

十五年改府為直隸州即以府城為州城五十七年知州官懋弼

捐修嘉慶二十二年知州福麻將庫存舊銅變價修葺咸豐五年

知州彭克儺率士民捐貲重修光緒元年署知州朱一泉六年署

知州黎從本先後倡捐重修光緒光緒二十二年知州劉雲章將舊

錢局地變價重修二十四年知州劉鈞捐貲重修探訪

知府萬裕祚重修城垣記

聞之王公守國獨留意於習坎春秋城築必書險固有所必設也是郡界在邊陲東引西粵南控交趾實全滇要害之地昔居民鮮少四面環赫賦役土田不敵中州萬一明更置流官以蒞之蓋重其地也按明成化間知府賀君勳始築土城尋圯隆慶五年知府

戴君時雍兩請於撫按上其議改築石城周七百二十四丈有奇外輒駢比內附土石高可一丈八尺基廣丈五尺闊四門四樓墮公之繕斯城也可謂守封疆捍大患先務匪但崇觀壯麗用邊蠻方已也恭惟我朝削平禍亂綏遐荒裕祚來守是邦至則一片

焦土不禁傷心愴目問誰肆荼毒而蹂躪若斯之甚僉曰流寇荼於前沙逆毒於後余聞言而嘆曰茲土藝多漢少保障在所先圖修築之謀竊有志焉會靈雨連綿數月海水漲漫滄進南隅城垣倒塌甚多具詳兩院司道蒙批接奉部文凡城垣傾圮無動支錢

糧之例該地方官捐助修理功完議敘余即行調所屬師宗州吳鼎震彌勒州王希聖維摩州葉高標會同督捕朱君濠李君廷臣備視城垣丈量倒塌處所估計輒石木植灰料鐵斤每州捐銀六百餘金給付各行總理開銷擇日興工自康熙五年十二

月起至六年閏四月止計修城垣墩臺敵樓周圍九百二十一丈垛口一千二百零一加高五尺四面全修者二百一十八丈從歷
接修者一百九十二丈掘馬塚口海漫背城悉用新甃新石重修四城樓每樓建左右柵欄城跟創空心敵樓一十二座高城丈餘

出視墉屹之形庶幾有備而無患耳是役也不勞民力不動官帑雖無形之固甚於山河保障雄圖不僅恃城垣之峻而綢繆桑土
鞏固邊疆其於王公設險之意未必無小補云經歷陳王猷吏目張繼茂劉顯庸陳在銘始終董役例得遊書

師宗縣城 師宗州舊有土城明萬曆二十八年知州夏久安重修

四十年知州袁國藩拓築崇禎七年改築石城周二里三分雍正高

一丈四尺四門有樓師宗州志明末沙賊折毀清康熙十三年知州韓維

一因舊址壘石立塚口無池舊志乾隆七年巡撫張允隨檄知州俞

唐重修三十五年降州為縣遂為縣城道光嘉慶二年黔苗擾亂重

修歲久坍塌咸豐二年知縣周惠祐同選貢何輔龍倡捐重修三

年知縣王漣漪鑿池寬一丈三尺深一丈光緒

彌勒縣城 彌勒州舊為八甸村無城明宏治三年州同梁伋始築

土城隆慶六年知州楊楷拓築雍正闢四樓建四角樓四關建四鼓

樓廣西府志崇禎七年知州魏起龍改築石城周二里三分高二丈十五

年知州趙焯改築北門四丈拓五步舊志清康熙五十年重修五十

五年知州吳永緒重修雍正十一年知州張景澍增建城樓堞牆

無池清一統志乾隆十八年知州張宏璽捐修二十五年知州張度請帑

承修三十五年降州為縣即為縣城四十二年知縣關英重修嘉

慶二十一年知縣陳王謨續修咸豐元年知縣周熙有捐廉重修

光緒七年地震垣圯數十丈知縣胡以遠請款修築並重修四城

樓光緒志

邱北縣城 舊為維摩州其城初建阿母後遷建曲部尋毀廣西府志清康

熙八年裁付彌勒州雍正九年分駐師宗州同於此修築土城於

舊州之報馬坡周四百丈高一丈二尺無池乾隆元年捐修並建

四門城樓三十四年改設縣城仍駐其城道光二十年改設知縣

城亦因之二十二年知縣高環重修四城樓道光志

武定州城 武定府城舊為土司治有城在五鳳山之東明嘉靖間

改土設流隆慶四年巡撫陳大賓巡按劉翹檄知府劉宗寅遷於

獅子山之麓築石城周四里三分高二丈設四門雍正志無池萬曆間

同知袁國藩增高三尺古今圖書集成三十八年知府江至廻重修四門鼓

樓崇禎元年知府趙紆增修四門十二年知府盧懋鼎重修城樓

礮臺武定府志清康熙二十七年知府王清賢增修四城樓舊志雍正七年

水壞城垣百餘丈知府朱源淳知州徐修仁重修舊志乾隆二十五

年請帑重修三十五年裁和曲州降府為直隸州即以府城為州

城四十二年五十四年六十年數次修葺嘉慶七年署州伍禮彬

捐修道光道光二十八年知州福瑞率拔貢龔敏以絕產租息重修

墻垣四城門樓咸豐間東南城垣屢毀於兵同治十年知州郭懷

禮修葺武定州志

按自成同兵燹後坍塌三十餘處計一百六十餘丈光緒十三年四月知州胡秀山重修十八年八月知州馬晉駒重修繼因雨水淹塌城垣三十二丈

元謀縣城 舊無城明萬曆二十三年知縣于文蔚始築土城天啓

二年知縣齊以政改築甃城周一里三分高一丈八尺雍正清康熙

乾隆間東西二門久塞不通南門開而常閉往來出入但由北門

按回匪之亂舊城官署民房焚燬一空馬街為晉省通衢官民暫遷居焉同治十三年大理光復置署設城於此因陋就簡高不滿丈民國以來盜匪搶劫兩次失城民國十二年省長周公惺甫體念民艱准將元謀煙畝罰金及購辦槍枝款一萬餘元作為修城

基金縣長張鍾璜督修分十二段工作挨門派工至舊城搬取磚石以作基礎大工給洋三角小工一角費時一年零十二月而成城周五百六十丈高一丈八尺厚六尺四門建有鼓樓以資戒備嗣是匪患稍息人民始得慶更生

祿勸縣城 祿勸州城在府東北十五里元時置州領易竜石舊二

縣明洪武二十二年建城裁易竜入州後併石舊因以其地建州

治轄於土府萬曆七年改土設流武定府志知州何守緇重築周一里有

奇雍正志築土為垣上覆以瓦無堞口關門三門各有樓無池四十四

年同知袁國藩署州事復增城五尺武定府志清康熙三十九年五十二

年五十八年雍正八年歷任相繼重修乾隆三十五年改州為縣

城因其舊嘉慶二十一年署知縣張自信等捐修道光三十年知

縣劉鳳鳴因庠生梅南林之請增闢小東門咸豐間兵燹門牆盡

毀同治十年光緒三年重修九年知縣志成捐廉繼修光緒志光緒十

七年知縣周行請帑捌百兩重修城樓新建炮台四座築城垣二

百二十丈補築城垣一百一十丈其高厚仍依舊制惟較長二十

丈零七尺十八年四月告竣共用夫役二萬餘工資除領帑外不

敷銀三千餘兩由閩邑士庶捐助探訪

元江州城 元江府城元大德間那中築土城周九里高二丈壘石

為四門清順治十六年因乾焚燬十八年改土設流知府劉勇副

將王君瑞重修雍正康熙五十一年知府章履成副將林國賢重修

元江雍正七年改築甌城道光志案雍正六年知府運維靈改建右腳土身甌城周九里三分高一丈四尺

州志設四門樓櫓悉備又設三便門十三年知府胡承璘補築城基

無池乾隆三年東城堞口竝西北城樓坍塌知府章元佐請帑修

葺繼因江水泛漲沖倒城外防水石堤竝浸坍塌知府章元佐

捐修十九年江水又泛浸坍塌身石堤知府陳齊襄捐修二十二

年城垣土坏剝落知府陳齊襄捐廉修補舊志二十五年知府佛德

二十七年署知府汪坦各捐修一次三十五年降府為直隸州其

城如故四十九年知州李惇將臨江東南一帶城垣收縮一百餘

丈加高增厚官民捐貲修理其餘城身護堤咨部緩修道光二年

坍塌知州廣裕詳請緩修道光咸豐四年以匪亂士民捐貲將南門

臨河城垣收縮一百餘丈仍舊下築土坯上建甄堞並四城樓三

便門一律重修完固費三萬八千餘金閱三年而工竣光緒間連

年大水沖塌城垣一百餘丈光緒

按光緒三十四年十月江水大漲沖塌東南城垣及三便門無存民國十五年重修南城於東西兩隅增築炮台各一座於東城北上一帶增築炮台四座舊存炮台十座均如數修復

知州廣裕修城考

易稱設險詩美完城所以定民志而壯國威莫不知城池為要矣元江土城建自元初周九里高二丈時憲宗七年也自元迄明皆土官自為修理本朝定鼎改土設流郡城遂為握要之區知府劉勇修於前章公履成修於後經畫費用莫考其詳惟雍正七年改

建甄城則知府遲維璽也支庫銀七千四百九十餘兩鹽稅課一千五百九十餘兩民捐五千兩知府與經歷同捐一千八百三十餘兩共銀一萬六千零三兩五分五釐興工於己酉仲秋告成於辛亥季春城周九里三分長一千四百丈六尺其制上甄下石中

用土坯雖曰甄城實與土城無大異云

新平縣城 舊為平甸鄉無城明萬曆十九年知縣李先芬始築土

城在今縣西五里崇禎七年知縣秦元穗遷今地築石城周一里

九分高一丈八尺開四門雍正志清康熙三十七年於城南接築土城

周一里三分以駐新營營兵號爲新城雍正十年知府張允隨委

員估修舊城增高三尺新城易以石腳高三尺又於新城東拓六

十丈包過舊城之東門以與舊城相接無池舊志乾隆二十年知縣

辜文元四十七年知縣龐兆懋五十七年知縣盧昌時各修一次

縣志年久傾圮咸豐六年知縣謙衍率武舉普承運勸捐增修城樓

城垣並土城垣樓一律重修完固歷五年工竣費四萬餘千金九

年東南北門樓燬於火邑人捐貲復修續縣志光緒三十二年知縣詹

坦重修宣統三年七月大雨石城倒塌八十六丈土城倒塌五十

三丈五尺知縣范修明率邑紳興修採訪

揚武城 清康熙三十二年改土歸流設木城在今關廟址雍正十

年夷匪作亂平後改今地新平縣志知縣殷良棟請帑築土城周一里一

分零高一丈三尺設四門各有樓久圯無池道光志咸豐十年邑人魏

欽文倡捐重修同治九年地震復有坍塌續縣志

黑鹽井城 舊無城明崇禎七年黔國公沐天波委參隨婁大任監

造石城周一里今圯依山帶水家自為衛南北要隘設柵雍正志

白鹽井城 未築清一統志舊惟設東西南北十關以為局鍵兵燹後坍塌

清同治十三年提舉呂之樸請款重修光緒志

琅鹽井城 舊無城築土垣清康熙元年提舉簡高始建門樓於四

隅雍正志提舉來度題額曰東來金碧西近蒼洱南瞻威楚北拱神京

琅鹽井志年久漸圯雍正三年提舉汪士進重修光緒志光緒元年移提舉駐

石膏井改爲石膏井提舉司惟大使仍駐其城

光緒志

元平提舉司

按新設鎮邊直隸廳城原委請侯同知參將廳治到任後於通龍新築圍橋二處擇要建城嗣後同知王績威稟就圍橋修築土城未完工期先佛房夷叛官兵討平之事後議移建廳城於猛據築土城以符體制尙未報竣今附錄於城池之後以備參考

城圍共城三番無城築土圍流泉照元平提舉司高城數門數城四

番同節十三平提舉司之類請修重造城之及又檢新築東路六

白鹽共城未築城牆東西南北七圍及高城備其費錢共銀

銀百餘圓一里今改治山帶木溪自爲南水要隘城隍一次

黑鹽共城有番無城四崇顯十平堡圍各於天郊委委圍裝大升

城文附詳重造同節式平城費資百世社城費四萬餘元

代署高米丈三只邊四門各存對八只無城費銀豐十平邑人

平東明於關平餘元今城費銀銀豐十平邑人

邊城城一高氣照三十三平城五圍高橋木銀亦全關城直乘五十